

**AÑ ÑANOM ŞAN PABLO PO' CARTA
ÑEÑT QUELLCAN
CORINTO' MARNESHA'
1 CORINTIOS**

*Atto Pablopa' quellcan carta añecop ñeñt
ame'ñetsa anetso Corinto*

¹⁻² Masheñshacha' ñaña nočaneshacha' ñeñtes allohuenes e'ñe same'ñeñoť Yompor čhocma sapčhena parro all anetso Corinto, ñeñtes o' hua'ñerres Parets attoch pueyochresha' perres atto e'ñe separrocmateñoť epas Cristo Jesús pa' sañapa' sa'cohuentataretterra Partsocop. E'ñe parrocmá hua'ñerres Parets attoch pueyochresha' perres, e'ñe attecma o' hua'ñerran allohuen ama't erra'tsena acheñer ñeñt e'ñe pame'ñeñoť chore'tene' Yepartseshar Jesucristo ama't errate' yeča'yenet. Ñeñtña Jesucristo ñeñt Yepartseshar yepen ora allohueney ñeñtey ame'ñenaya. Na Pablon sequellquene'ña añ carta epan masheñ Sóstenes. Napa' Jesucristo puellsensaren tarro'mar Yomporpa' ñeñtecopña o' chore'terren attoch nesherber. ³ Te'ña e'ñe nehuomčha'teñoťespa' o'ch notas: Yomporpa'chña sebensare'tam̃pene' ñeñtara Parets epuet Puechemer Jesucristo ñeñt Yepartseshar yepen. Ñetepa'chña socshatene' e'ñe sa seyočhro allohuenes.

Arrpa' all parasyoso'tam̃psanet

4-5 Te'pa' o'ch notas, napa' chocma neparasyoso'teñ Yompor socop tarro'mar ña puemuereño'tpa' atarr bensare'tam'penes. E'ñe separrocmateño't Cristo Jesús'pa' o' eñotaterres pa'namen co'chnesha' co'ta'pñats seyo'chro. Ñeño'tmar te'pa' ama't ora allpon señosyen e'ñe ñesho'tpa' e'ñech cohuenare' señosyen. Ñaña ama't allohuen cohuen co'ta'pñats'pa' o' seño'tuer. 6 Ñeñ't atet yotuanmas ñeñ'tcha' atet p'onas Cristo, te'pa' atet'cho' o' etsotatuonas. 7 Ñeño'tmarña te'pa' ama es palltetsa' apuerr'serr po'poñ Yompor. Te'pa' aña palltetsa' o'ch secuame'teñ esempohuañencha' huerra Yepartseshar Jesucristo. 8 Ñeñ'tara Jesús ñeñ'tcha' allo'na huomenc se'pa'nene' seyo'cher. Atto'tach chap allempoch huerra Yepartseshar Jesucristo. Atto'chña allempopa' amach eñalle alloch otteñe'chare'tes ama't mamesha. 9 Tarro'mar Yompor'pa' ama puenesho po'ñoñ, erro't o'tpa' atet'cha' pa. Ñeñ'tara Yompor ñeñ't o' hua'ñerrey o'ch yeyemterrñaña Puechemer ñeñ'tara Yepartseshar Jesucristo.

Arrpa' all ye'chatanet attoch e'ñe pa'trra co'ta'pñats anmuet

10 Te'pa' o'ch masheñneshacha' ñaña no'chaneshacha' notas ñeñ'tcha' atet se'pa, e'ñech pa'trra soctape'ch allohuenes. Amach allo'na soctape'chyesatsto po'poñe'tt'ocma. E'ñech pa'trra co'ta'pñats soctape'ch allohuenes; erra'tsen soctape'ch'pa' ñeñ'tach cohuen sent allohuenes. E'ñe pa'trra soctapñ'o'tpa' o'ch separrocmatua

allohuenes. E'ñe yame'ñeñoñ Yepartseshar Jesucristo ñeño'marña notenes ñeñtcha' atet sepa. ¹¹ Tarro'mar ñeñt parro yeçhena Cloépa' ñetpa' e'mare'tatnet atto' sepena. Ñeñtpa' atet otnet atto sa masheñneshacha' çhocma po'poñ sentanna'tyena. ¹² Ñeñt notenespa' ñeñtpa' atet sepena: Puesheña'ttsospa' atet sotyen: "Napa' añcha' name'ña masheñ Pablo." Po'potantaññapa' ñeñtpa' atet otyenet: "Napa' añcha' name'ña masheñ Apolos." Po'potantaññapa' ñeñtpa' atet otyenet: "Napa' añcha' name'ña masheñ Pedro."* Po'poñeçhnoñapa' atet otyenet: "Napa' añcha' name'ña Cristo." ¹³ Ñehua, ama't señotheña, po'ñoçhpa' ama eñalle attoch yellopa'tetstach Cristo. Po'ñoçhpa' amaca'ye naye' corso'tamçseto ñeñt e'ñe socop attoch na'queshpatas. Ñaña ama naye' same'ñeñoñ o' sapataretterroña Partsocop. ¹⁴ Napa' atarr neparasyoso'teñ Yompor tarro'mar napa' ama muenatno o'ch napatas ama't puesheñarrotesa Partsocop. Ñehua, napa' e'ñe epsheña napat Partsocop, ñeñtpa' masheñ Crispo ñaña masheñ Gayo. ¹⁵ Napa' e'ñe nocshena tarro'mar te'pa' amach errotenoñ sotno e'ño' na same'ñeñoñ sapataretterra. ¹⁶ Ñehua, po'ñoçh ellopa' napach masheñ Estéfanos epuet pamo'tsesha'. Ñerra'm eñallte' po'poñeçhno ñeñt napatpa' tarraña ñeñtpa' ama neñothe. ¹⁷ Napa' ama añeçpaye' llesensa'noña Cristo o'ch napatyes Partsocop ñeñt allpon ame'ñetsa, añeçpaña llesensa'n attoch o'ch neserrpare't

* **1:12** Añ Pedropa' ñeñfara otenet Cefas.

cohuen ñoñets alloch yequeshperra. Ñaña ama añeye' cochnesha' na neñoñ neserrpare'tatenso, tarro'mar ñerra'm aña neserrpare'tatenes cochnesha' neñoñ name'ñatasapa' chate' soten atto rroma Cristo corsochopa' ñeñtpa' amaca'ye es sherbeno attoch yame'ñera Cristo.

Añ ñoñets atto rroma Cristo corsocho, ñeñña ñoñets Yomporo po'huamenc alloch a'queshpatyerran acheñenesha'

¹⁸ Po'ñoçh ñerra'm esempo yeserrparen atto Cristo rroma corsocho e'ñe ya yo'chñaroõpa' añña acheñenesha' ñeñt chenquëtsapa' chach otenapuetañ attate' yotatse'tyen. Tarraña ya ñeñtey a'queshpatareteypa' añña ñoñets atto rroma Cristo corsochopa' ñeñña ñoñetspa' yeñoteñ allotña huena Yompor po'huamenc attoch a'queshpatyerran acheñenesha'. ¹⁹ Tarro'mar añ ñoñetspa' e'ñe anuaret ama't ahuañoteñ, ñeñtpa' atet oten Yompor:

Ñeñt entetsa ñapa' nanaco' es eñoten patso'marecoppa' napa' o'ch na'huañampesuanet ñeñt pueñoteñ. Ñaña ama't ñeñt entetsa ñapa' nanaco' eñotañtenapa' napa' o'ch nehuapore'tampes atto es eñotatse'tyenet.

²⁰ Ñehua, ama't señoteñeña, ama't ñeñt nanac es eñotatse'tyets arr patsro ama eñalleña ñeñt atarr asherben enten Yompor. Ñaña ñeñt atarr etsotayenayeñ ñoñets ñeñt atet anuaret ahuañoteñ ñaña ñeñt nanac eño'ñañtetsañ aña patsro ama eñalleña ñeñt atarr asherben enten Yompor.

Ñetpa' chate' otenapuetañ atarrte' es eñotenet
 tarraña Yompor o' eñotatuay po'ñoçh ñeñtpa'
 e'ñeca'ye orrena atet otatse'tyenet arr patsro.
 21 Tarro'mar Yomporpa' e'ñe pueñoteñoť ñapa' ama
 pocteye' enteñe e'ñe ya yoctapñotpa' o'ch yenter
 Yompor, ama't yapa' yoteneñ atarrte' es yeñoten.
 Añmapa' ñeñña pocte' enten Yompor: ñeññara
 cotapñats ñeññ atto rroma Jesucristo yocop ñeññ
 chach enteñet ñerra'mrrate' atta yotatse'tyen,
 añ ñeññara cotapñats ñeññña muenen Yompor
 o'ch yeserrpare'toñ alloch a'queshpaterrey
 allohueney ñeññey ame'ñenaya.

22 Ñerra'm esempo yeserrpare'tach judionesha'
 atto Cristo rroma yocop, ñetñapa' amach
 asherbenaye' entenetoña yoctapña tarro'mar
 ñetpa' añach muenet yorrtatanetepa'to'
 Cristo po'partsoña. Ñaña ñerra'm esempo
 yeserrpare'tateñ ñeññ ama judioneshayeyeto
 atto Cristo rroma yocop ñetpa'cho'ña amach
 asherbenaye' entonayetoña yoctapña tarro'mar
 ñetpa' añach muenet yorrtatanetepa'to' ñeññcha'
 eñotatahuet e'ñe'e' po'ñoçh atet yoten. 23 Tarraña
 yapa' añcha'ña yeserrpare'tatanet atto Cristo
 rroma corsocho yocop. Tarraña añña judionesha'
 puetsena'teñoťetpa' amach cohuenaye' enteñeto.
 Ñaña ñeññ ama judioneshayaye ñetpa'cho'ña
 attach enteñet ñerra'mrrate' atta yotatse'tyen.
 24 Tarraña acheñenesha' ñeññ o' ame'ñerra ñetpa'
 o' chapanet pueyoçhreto po'ñoçhpa' Cristo e'ñe
 Pompor po'huamencoťpa' o'ch a'queshpaterrey,
 ñaña e'ñe Pompor pueñoteñoťpa' o'ch
 a'queshpaterrey. Attecma o' chapanet

pueyočhreto ñeñt̃ o' ame'ñerra ama't ñeñt̃ judionesha' ñaña ama't ñeñt̃ ama judioneshayaye.

²⁵ Ñeñt̃ ama ame'ñetsopa' ama't otenapuetañ Yompor poctaṣñapa' attate' otatse'tyen, țarraña ñeñtara poctaṣña e'ñe ña pueñoeteñ ñeñt̃ña nanac sherbets. Acheñpa' ama't atarr es eñoteneñpa' țarraña poctaṣñetpa' ama tama sherbeno țarro'mar acheñpa' ama tama es eñoteneto. Ñaña ama't otenetañ Yompor po'huamencpa' ama a'ñshe'maye' orrtenopa' țarraña yocoppa' ello metanennay allohueney yehuamenc țarro'mar yapa' arromñațaya.

²⁶ Ñehua, masheñneshacha' ñaña nočhaneshacha' soctape'ch allempo hua'ñerres Cristo o'ch same'ñera. Allempo ama't acheñenesha'pa' entasete't sapa' ama esoye' señoete'țe țarraña Yomporpa' o' hua'ñerres, ñaña ama't ama sesherbeno, ñaña ama't ama ańeyayso puechemeres ańcha'tareť. Ñehua, ñato' puesheña'ttsospa' ñeñtes, țarraña ama allohuenacmaye' attecmaso.

²⁷ Ańña pocte' enten Yompor o'ch a'qeshṣatan acheñ ñeñt̃ acheñenesha'pa' čhach otenapuetañ ñeñt̃pa' amate' es eñoteno. Tarrecop pocte' enteñ Yompor allochñapa' o'ch pencatan acheñenesha' ñeñt̃ nanac es eñotatse'tyets. Ańpa'cho'ña pocte' enteñ Yompor o'ch a'qeshṣatan acheñ ñeñt̃ acheñenesha'pa' čhach otenapuetañ ñeñt̃pa' amate' esoyaye. Tarrecop pocte' enteñ Yompor allochñapa' o'ch pencatan acheñenesha' ñeñt̃ čhach otenapañ ñetpa' atarrte' es sherbenet.

²⁸ Ańpa'cho'ña pocte' enteñ Yompor o'ch a'qeshṣatan acheñenesha' ñeñt̃ entenet ñeñt̃

ama esoshe'mayaye ñaña ñeñt̃ atsena'tareť. Ñaña añ acheñer muenen Yompor ñeñt̃ ama es echeno attoch sherġa' ama't mamesha. Tarrecop mueneñ Yompor allochñapa' ñotetpa' o'ch huapore'tamġsan acheñ poctapña ñeñt̃ añ patso'mara. E'ñech orrena enteret acheñ poctapña. ²⁹ Ñeñto'marña ya acheñeypa' ama't puešeñarroťeya ama pocteyaye o'ch e'ñe yañeña cohuen yentena tarro'mar Yomporpa' ama atteye' entenye. ³⁰ Tarro'mar ñapġa Yompor yapuene'ña attoch yapa' corretsayach. E'ñe yeparrocmateñoť Cristo Jesús a'crrateney Pompor. Ñaña Yomporpa' atto nan Puechemer Cristo ñach yeñotaterre' ñeñt̃ cohuentetsa Yeyompor-recop, ñaña ñeñt̃ara Cristo ñeñt̃cha' e'ñe cohuen a'poctatene' yocop attoch cohuen entueneŷ Pompor ñaña ñeñt̃ara Cristo ñeñt̃ña a'cohuentaterrey Partsocop, ñaña ñeñt̃ara Cristo ñeñt̃ yetsa'terroya yo'chñar attoch yequeshperra. ³¹ Ñeñto'mar atet̃ anuaretta Yompor po'ñoñ ahuať: "Ñerra'm eseshaycha' es aye'choġhtatetspa' Yomporecpuepa'chña es ya'ye'choġhtaten."

2

*Arrpa' all yerpaterranet atet̃ ser-
rpare'tatenaneta' ahuaña ñeñt̃ atto Jesucristo
rroma yocop corsocho*

¹ O'ch notas masheñneshacha' ñaña noġhaneshacha', ahuaña allempo neġhap seshopa' neserrpare'tatoses cohuen allempo na'poťonas Yompor poctapña. Allempopa' ama coġhneshoťeye' neñoñoť na'poťonaso

Yompor po'ñoñ atet noñets coñnesha' entyen acheñenesha'. Ñaña ama coñneshoteye' noctapñoť na'potonaso Yompor poctapña atet ñerra'mrrate' acheñ ñeñť nanac eñotañ entueñ allohuen acheñenesha'. ² Añña e'ñe patrra cotapñats neserrpare'tatenes ñeñť atto Jesucristopa' rroma yocop corsocho. Tarro'mar allempopa' atet noten neyočhro ñeñťach paterr o'ch neserrpare'tatanet. ³ Ama't allempopa' ama asherbenoteye' norrtoso sesho. Ñaña allempopa' atarr nemcha'ten, čha neyoruos nellquėñoť. ⁴ Ñaña ama ne'ñoreñoťeye' e'ñe cohuen neserrpare'tataso attoch same'ña'na e'ñe neñoñoťa ñeñť atet pena ñeñť čhach otenapañ ñapa' nanacte' es eñoten. Añña e'ñe neserrpare'teñoťa norrtatonas ñeñť atet pōnay Parets Puecamquėñ e'ñe po'huamencot Yompor. ⁵ Ñaña ya acheñeypa' ama't coñnesha'tatsta yoctapñapa' tarraña napa' ama nemno e'ñe na neñoteñoťpa' o'ch name'ñatasa. Napa' añña nemnen o'ch name'ñatasa e'ñe Yompor po'huamencot.

Yompor Puecamquėñpa' ñeñťña es yeñotatene'

⁶ Tarraña ama't atetpa' esempopa' o'ch neserrpare'tach ñeñť o' ame'ñerra huomenc. O'ch neserrpare'tatanet e'ñe coñnesha' cotapñats, ñeñťara Yompor poctapña ñeñť atarr es eñotets. Tarraña añ cotapñatspa' amach patso'mareyaye, ñaña amach aňeyaye amcha'tareťečno poctapña ñeñť aňe pat-sro'tsen. Tarro'mar ñetpa'čho'ña huañerretcha' es-empo. ⁷ Yomporepa'chña poctapña ya'poťa ñeñť atarr es eñotets, ñeñťara ama't ahuatoteñpa' ama

eñotpahuo poctaḗña. Tarraña ama't allempo ama ayečhcatareḗtena' patspa' ñeññapa' o' anareḗtetua attoch cohuencha' ya'quesḗḗpatareḗterra esempo-huañen. ⁸ Añña añcha'tareḗnesha' ñeññ añe pat-sro'tsa'yenpa' ama čhapaneto Yompor poctaḗña. Ñerra'm čhapanetañcha' ahuaña pueyočhretopa' amate' corso'tamḗperetañeña Yepartseshar ñeññ atarr nanac cohuen. ⁹ Tarro'mar atet anuareḗtta Yompor po'ñoñ ahuat, ñeññpa' atet oten:

Ama't ahuata ya ñeññey arromñaḗyepa' ama yentare ñeññ o'patatenya Yompor ñeññ cočhnesha'tetsa yocop, ñaña ama ye'mare, ñaña ama čhaponaye'te yeyočhro ñeññ o'patatenya Yompor ñeññeycha' morrenterraya ña.

¹⁰ Tarraña ñeññeyña ame'ñerraya ñeññey allohueneypa' o' eñotaterrey Yompor e'ñe ña Puecamquēñoñ ñeññ chorratenya. Po'ñočh yeñoteñ Yompor Puecamquēñpa' ña eñotuene' allohuen Yompor poctaḗña ñaña ama't ñeññ ama eñotpahuoyaye.

¹¹ Attecma yepena yaña ñeññey acheñey. Amach errotenoḗ po'psheñeñpa' eñotonay atet yoctape'chen ya yeyočhro, e'ñech yapḗa yeñoteñ. Attecma pena ñaña po'potantañ amach errotenoḗ eñotano Yompor poctaḗña, e'ñech Yompora ñapueḗ Puecamquēñ eñotene'.

¹² Yapa' o' yagapoñ Yompor Puecamquēñ, amaña acheña poctaḗña yaguërro ñeññ patso'marecpa. Ñeññara Yompor Puecamquēñ ñeññ čhapatene' yeyočhro ñaña ñeññ yeñotatene' atto ña muerenya. E'ñe puemuereñoḗey shonte'

es apa'yeney. ¹³ Ñaña ñeñt ñoñets ñeñt yečhateney Yompor Puecamquëñpa' ñeñtara ñoñets o'ch yeserrpare'tatas saña ama't ñaña po'potantañečno. Ñeñtpa' ama añeyaye ñoñets ñeñt atet yečhatyen acheñenesha' ñeñt eñotañetyetsa. Ñaña ñeñt ñoñets atto yečhateney Yompor Puecamquëño'tpa' ñeñt yeyčhatenes saña ñeñtes o' chorrerrsa saña Yompor Puecamquëñ.

¹⁴ Tarraña acheñenesha' ñeñt ama chorreña' Yompor Puecamquëñpa' amach errotenot čhapaneto Yompor pocta'ña ñaña amach errotenot agapoñeto ñeñtcha' apanetañ Yompor Puecamquëño't. Ñerra'm yeserrpare'tatanet atto es apueney Yompor Puecamquëño'tpa' ñetpa' čhach otyeset atto' yotatse'tyen. Tarro'mar ñap'ta čhenana pueyočhro ñeñt chorrena Yompor Puecamquëñ. ¹⁵ Tarraña añña ñeñt chorrena Yompor Puecamquëñpa' ñetpa' čhenanet pueyočhreto ora ñeñt atet pena Yompor. Tarraña ñeñt ama chorreno Yompor Puecamquëñ, ñetñapa' amach errotenot čhapaneto pueyočhro esocopte' atet penaña ñeñt chorrena Yompor Puecamquëñ. ¹⁶ E'ñe attecma oteney Yompor po'ñoñ ñeñt anuaret ahuatoteñ, ñeñtpa' atet oten: "Esesha'huate'ca' eñote'ña ñeñt atet cotape'chen Yompor attoch ñetpa' o'ch cotape'čateret ñamet Yompor." Tarraña te'ña yapa' attecma yotape'chen atet cotape'chen Cristo.

3

Arrpa' all ama patrraye' cotape'cheno

corinto'marnesha'

1 Ñaña o'ch notas masheñneshacha' ñaña nochaneshacha' ama't ahuañoñeñ noteneñ o'ch noctape'chatas e'ñe cohuen, atet noctape'chateñ acheñ ñeñ e'ñe chorrena Yompor Puecamquëñ. Tarraña amach errotenoñ noctape'chataso tarro'mar sapa' atfa socrena atet muenatenes sechets. Cha sottena atet ñerra'm cheshatoll ñeñt ama eñotena'. Sapa' ama e'ñe chennasa' ñeñt cohuentetsa Cristocop. Ñeñto'mar teme'ttsen atfa noctape'chatenes atet ñerra'm cheshatolleshasa.

2 Ñeñto'marña ahuañoñeñ atfa neñotatenes ñeñt ama torrapahuoyaye Yomporecop. Ñeñto'marña amach erroteno noctape'chaterrserro ello ñeñt nanac echarr cotapñats. Atfa sottena ñerra'mrrate' ematoll, napa' atfach nemomatenes semomos atet peñet ematoll, ñeñtara yoten cotapñats Yomporecop ñeñt ama echarro. Ñaña ama echarroye' serrar napuenso, tarro'mar amate' erroteno setsoto, ama't teme'ttsenpa' ama setsoteññañe Yompor poctapña ñeñt nanac echarr.

3 Tarro'mar teme'ttsen atfa socrena atet muenatenes sechets. Po'ñoñ ñerra'm esempo es yeye'chapretannena, amapa' ñerra'm cho ye'moñe'tannena, ñeñtpa' atfa yocrena atet muenateney yechets. Ñeñtpa' ama'tña attera sorrteno atet pena acheñ ñeñt ama ame'ñenayo Cristo.

4 Tarro'mar ñerra'm cha yotyen: "Napa' añcha' name'ña Pablo", po'psheñeñña' ñato' oten: "Napa' añcha' name'ña Apolos." Ñeñt atet sepena chachca'ye sottena ñerra'mrrate' ñeñt ama Cristona'tareyaye.

Puesheña'ttsoypa' añ yetorra'yena Yomporecop ñeñt atet yechyeny

⁵ Ñaña o'ch notas, yapa' ama esoyayye ama't Apolos, ama't na, añayaca'ye ñeñtey torretsa Yomporecop. Yapa' amñareteya attoch o'ch yame'ñatasa. Puesheña'ttsoypa' añ yetorra'yena Yomporecop ñeñt atet yechyeny. ⁶ Atet ñerra'm napa' na ñanom same'ñate' Yompor po'ñoñ. Alloñapa' ahuo't huapa ñaña Apolos, ñapa' ña seserrpare'tate' attoch allo'na sesen huomenc p'a'nmue' seyo'cher. O'ch netma'ntacha atet: Napa' atten ñerra'mrrate' ñeñt nare'tets. Alloñapa' o'ch huapa po'psheñeñ ñeñtcha' she'tamo're'tosets, Yomporñapa' ñach a'chpate' narmets. ⁷ Ñeñto'mar yeñoteñ ñeñt nare'tetspa' ama esoyaye, ama't ñaña ñeñt she'tamo're'tetspa' ama esoyaye. Añña Yompor ñeñña es a'chpatets ñaña sherbets. ⁸ Ñeñto'marña yeñoteñ ñeñtey nare'tets ñaña ñeñtey she'tamo're'tetspa' e'ñe parrocmayetorrena Yomporecop. Elloña Yomporpa' apa'yerreycha' puesheña'ttsoy cohuen ñeñtcha' atarr yocshaterre'. Apa'yerreycha' errotente' yetorra'yesnoma ñocop. ⁹ Yomporpa' enteney atet ñerra'mrrate' parro yetaruasen ñocop. Sapa' Yomporpa' entenes atet ñerra'm ña pa'mres, allcha' nanac torrena ña.

Ñaña Yomporpa' entenes atet ñerra'm pocoll o'ch tomatey ña. ¹⁰ Atet ñerra'm na, Yompor puemuereño'tpa' o' ye'chaten na o'ch neño'ch e'ñe huomenc, attoch nanomcha' ame'ñaterraya acheñenesha' Jesucristo. Ñehua, o'ch netma'ntacha atet ñerra'm Yomporpa' o' ye'chatenen attoch

o'ch neñoch ñomate' pocoll e'ñe huomenc. E'ñe neñoteñoñ o'ch ñatomat ñanom quellpach e'ñe echarr. Alloñapa' o'ch huapa po'psheñeñ ñeñtcha' allo'na yeñcatnomue'. Tarraña ñeñtcha' allo'na yeñcatnomue'pa' coñape'chepa' ñanom, pocte'te' atet peñ, ñato' amate'. ¹¹ Ñehua, añ quellpach ñeñt anaret ñanompa' ñeñt toma'ntenaya atet ñerra'm ya ñanompa' o'ch yame'ñera Jesucristo. Ñapñach Cristo yame'ñerra. Ama eñalle po'poñ ñeñtcha' yame'ñerra, tarro'mar amach errotenoñ yame'ñyo po'poñ ñeñt ama Cristoyaye, añcha'ña ñeñtara Cristo ñeñt o' yotuanmas. ¹² Ñeñt o' yame'ñata Cristo, ñetpa' allo'nach yeychatnenanet acoña attoch huomenc pa'nmuert pueyocher. Ñehua, o'ch netma'ntacha atet: Ñerra'm cho yeyeñcaten pocoll ñanemcha' quellpach yañomat. O'chña echarr yañomatua quellpachpa' allo'nachña yesen yeñcatnomue' pocoll. Erra'tsenpa' ñato' o'ch yeñcatenan oropo' pocoll ñeñt atarr nanac cohuen, ñato' po'psheñeñpa' o'ch yeñcatan asrepo' ñeñt nanac cohuen ñaña, po'psheñeñña'pa' o'ch yeñcatan cohuen mapyepo' ñeñt nanac tsa'te'. Tarraña ñato' po'psheñeñña'pa' o'ch ñomatan tablapo' ñeñt ama tama cohuenayaye, ñato' po'psheñeñpa' aspanapo'ch, ñeñtpa'cho'ña amach tama cohuenayaye, ñato' po'psheñeñpa' attach yeñcatan atet ñerra'mrrate' posho'llpo' ñeñt ama cohuenayaye ama't mamesha. ¹³⁻¹⁴ Esemposhuañeña allemposch huerra Cristopa' entatuareteycha' allohueney ñato' espo'te' yeyeñcatyeyes yepaquell, ñato' oropo',

ñato' tablapo' amapa' ñato' atet ñerra'm posho'llpo'. Ñehua, añcha'ña yeñotate' tso'. Yompor poyorochenñoŕpa' o'ch etomanĭpesyesonay yepacllachno. Ñehua, yeñoteñ ñeñĭ oropo' amach poyo, asrepo'pa'cho'ña amach poyo, mapyepo'pa'cho'ña amach poyo. Tarro'mar ñeñĭpa' ama acraño, ñeñto'marña nanac sherben. Tarraña tablapo'pa' ñeñĭpa' poyuach, aspanapo'pa'cho'ña poyuach, posho'llpo'pa'cho'ña poyuach. Tarro'mar ñeñĭpa' ama es sherbeno, attochña eñotuarēteycha' e'ñe puesheña'ttsoy erro'tente' yeyeĥcatyes, ñato' cohuen'te' ñato' amate' cohuenayaye allempo es yetorra'yesnoma Cristocop. Ñerra'm esempoch etomanĭpesyesonay yeyeĥcatar ñerra'm amach poyo yeyeĥcatar, allempochña yeñoch atto es yetorra'yesnoma Cristocoppa' ñeñĭpa' e'ñe cohuen. Ñeñto'marña allempopa' aphuerreycha' e'ñe puesheña'ttsoy ñeñĭtcha' atarr yocshatterre'.
¹⁵ Tarraña ñerra'm yeyeĥcatarña ĥha poyuapa' o'ch yeñoch atto yetorra'yesnoma Cristocoppa' ama es sherbeno, ĥach a'chencatonay yeyeĥcatar ñeñĭ Cristocpañ. Tarraña ama'tcha' a'chencatonay yeyeĥcatar, yaña yecamquēñpa' qeshperrach. Tarraña e'ñech yemuerochenñoŕa yequeshperra atet ñerra'm ĥo poyen pocoll yañapa' o'ch yequeshpa.

¹⁶ Te'pa' o'ch notas po'poñ: Sapa' ama't seño'teñeña Paretspa' o' pa'paquēll perres allohuenes ñeñtes ame'ñetsa. Yeparrocmatueñoŕ allohueneypa' te'pa' e'ñe atet enterrey atet ñerra'm pa'paquēll, allcha' yeĥena Puecamquēñ ña.

17 Tarraña ñerra'm esesha' alla soctape'chaterre' ñeñt' ama cohuenaye' enteno Yompor ñeñt'ña atet petsa chach ottena ñerra'mrrate' cho a'matenan Parets pa'paquëll. Ñerra'm esesha'ña a'matene' Parets pa'paquëll ñeñt'ña Yomporpa' chocmach a'chencater. Tarro'mar Parets pa'paquëllpa' ñeñt'pa' Partsocpa, saca'yeña o' pa'paquëll perresña Parets ñeñt' e'ñe ñocpa.

18 O'ch noterrserr po'poñ: E'ñech seña saña. Ñerra'm eseshas otets, napa' atarr es neñoten aña patsro, añ pocte' o'huañepa'ch es eñotatse'tyes e'ñe patso'mara. Aña pocte' o'ch orrta atet ñerra'mrrate' ama es eñoteno. Añepa'chña eñot ñeñt' huetsa Yomporeshot. 19 Tarro'mar ñerra'm esempo ñeñtey acheñey aña patsro ñerra'm cha yotenapañ yapa' atarrte' es yeñoten, Yomporña'pa' atet enteney ñerra'mrrate' cha yotatse'tyen. Ñeñt'pa' anuaret ñaña ahuañoteñ Yompor po'ñoño, ñeñt'pa' atet oten: "Ama't atto es eñotatse'tyenetpa' Yomporña'pa' o'ch eñotanet atta otatse'tyenet, ama't ñetpa' otenapuetañ nanacte' es eñotenet tarraña ñeñt'pa' shequëñtsa." 20 Añ ñoñetspa'cho'ña anuaret ahuañoteñ, ñeñt'pa' atet oten: "Ñeñt' cha otenapañ nanacte' es eñotenpa' aña Yomporpa' eñotenanet ñeñt' atet cotape'chenet ñetpa' e'ñe orrena." 21 Ñeñto'marña te'pa' o'ch alla noterrserr: Amach ellocma sa'ye'chochtatanna'tyesatsto atet yocape'chen ya ñeñtey arromñatey. Tarro'mar allohuen ñeñt' apuenes Yompor ñeñt'cha' soctape'chate' cohuen. 22 Ama't na Pablonpa' Yompor o' na'n

ñeñten allohuenacpas, ñaña ama't masheñ Apolos, ñaña ama't masheñ Pedro. Yomporpa' apueneý allohuen ama't ñeñt yentyes añe patsro ñeñtcha' yeyenpue' ñeñt alloch yocsheña Yompor. Yocsheñepa'ch ama't allempo yocrrena, ñaña ama't allempoch yerroma, ñaña ama't ora allpon ñeñt eñall te' čhocmuepa'ch coshateney. Ñaña ora allpon ñeñtcha' eñalletatsa tsapaonetpa' ñeñtpa'čo'ña coshatasepa'ch. Ama't allohuen ñeñt pa'namen esočno ñeñtpa' yocop ñeñtcha' yeyenpue'. ²³ Elloña yapa' e'ñe pueyochresha' pöhueney Cristo allohueney, Cristoñapa' Parets Puechemer pene'.

4

Atet pena ñeñt torretsa Cristocop

¹ Ñeñto'marña te'pa' notenes, epsheño'marey na epan masheñ Apolos, añ pocte' o'ch senteney atet ñerra'm ñeñtey torretsa Cristocop. Ñaña añ pocte' o'ch senteney atet ñerra'm yapa' eyecharetey o'ch ya'potoñ Yompor po'cohuenña. ² Ñehua, yeñoteñ ñerra'm erra'tseney eyechareteypa' añcha'ña atet yepena atet yechenyet. ³ Ñato' sapa' sentenente' napa' nepena atet eyechareten ñato' amate', ñeñtpa' ama añecpayaye ñeñt atet nellquëna na. Ama't acheñenesha' ñeñt añcha'taretetyetsa, ñerra'm erro'tente' entennet ñeñt atet nepenapa' ñeñtpa'čo'ña ama añeyaye ñeñt atet nellquëna na. Ama't napa'čo'ña ama neyemteno ñeñt atet nentena e'ñe nañeña. ⁴ Ñehua, e'ñe cohuenare' nenteñeñ allohuen ñeñt atet es nepa'yen,

tarraña ñeñt̃pa' ama añeyaye alloch yeño ch e'ñe' cohenare' es ye'pa'yen. Añña e'ñe pocte' nenten Yepartsesharcha'ña otats e'ñe' pocte' entenen, amapa' ñato' amate'. ⁵ Ñeñto'marña notenes, amach sotatsto atet: añ acheñer nanac cohuen, po'psheñeñpa' ama cohuenayaye. Te'pa' amach sotatsto atet, tarro'mar esempohuañencha' huerra Yepartseshar. Allempopa' ñachña eñotatuerrets ñeñt̃ ya'nasotyena te'. Ñaña ñachña eñotatuerrets ama't ñeñt̃ atet yemna'yen yeyo'chro. Errponeycha' ñeñtey cohuen entuerr Yomporpa' allponeycha'cho' aye'cho'chtatuerr.

⁶ O' notuas ñeñt̃ poctetsa ñeñt̃cha' atet sentey ya epan masheñ Apolos. Masheñneshacha' ñaña no'chaneshacha' tarro'mar atet notenes, allochñapa' attoch seño ch añ pocte' e'ñe ch attecma senteñ ama't allohuen acheñ, e'ñe atet oteney Yompor po'ñoñ ñeñt̃ atet anuaret̃ ahuatoteñ. Allochñapa' amach yommo'chatsche acheñ ñeñt̃ cohuen yenten e'ñe yañeña. ⁷ Sapa' atarr cohuen sentena sañeña tarraña amaña po'psheññeye' atarr eñotañ sentenaye ama't puesheñarra. Ama't allpon seño tyenpa' amaca'ye e'ñe sotaye' es seño tyeno; Yomporca'ye seño tatene'. Po'ño'chpa' atto Yompor es eñotatenespa' eso'mare'tña sommo'chyenaña atet ñerra'm e'ñe so'a es seño tyen.

⁸ Cha't sotenapañ o'te' nanac setsotoñ Yompor pocta'ña. Cha sottena atet ñerra'm ama es sepallteno ama't coñe'ta Yomporeshot̃. Yañapa' o'huañ acua'psenaye' senterrey. Sañapa' o' cha añcha'tare'toyen sorrtena. Ñehua, e'ñe pocte'

sa'mcha'tarettepa' tarro'mar ñerra'm po'ñoçh o'ch sa'mcha'taretterrapa' ñato' attotpa' o'ch semnatey yaña o'ch ya'mcha'tarettapreterra. ⁹ Tarraña napa' noctape'chen ñato' ya ñeñtey allsensareteypa' Yomporpa' ñato' o'ch muenatan acheñenesha' yapa' o'ch a'ypo'ñerryet. Acheñenesha'ñapa' çhach amtsen entenyet. Attach cohuana'tyeney allohuen acheñenesha' arr patsro, ama't ñaña ñeñt Yompor po'mllañoñeñnaneshar o'ch cohuana'tyey ñamet. ¹⁰ E'ñe yame'ñeñoñ Cristopa' añña acheñenesha'pa' çhach otenet yapa' amo' es yeñoteno, tarraña sapa' chaña atet sentena ñerra'mrrate' atarr nanac eñotañes. Ñaña yapa' çhach otenyet amo' esoshe'mayayye, tarraña sañapa' attaña ahuamencatoyen sentena. Ñaña sapa' nanac amcha'na'tpo' entenset, yañapa' amach acua'psenaye' entyenyeto. ¹¹ Yañapa' teme'ttsen yemuerochtena ama't yachporrñoñ, yo'ñpañoñe'na yemuerochtena ñaña yemuelleñoñe'na. Atta epaye' atserrpenyet, ñaña ama yecheno allcha' yeycha. ¹² E'ñe yetorreñoñ nanac yetaruasen e'ñe ya yotoñ. Ñaña ñerra'm esempo sasare'tenyetpa' yañapa' o'ch yenamatenanet Yompor pa'nateña ñocpuet. Ñaña ñerra'm esempo pue'moñe'teñoñet cotare'tenyetpa' yañapa' attach ya'huantenanet. ¹³ Ñaña ñerra'm esempo sochatse'tenyetpa' yañapa' çhach yamo'tstanet cohuen. Ñaña ama't teme'ttsen entenyet atet ñerra'mrrate' es ahupapore'tareñ, ñeñt ama es sherbetso ama't mamesha arr patsro.

¹⁴ Napa' ama añecpaye' nequellquënnaso

añ ñoñets attoch o'ch nepencatas, añecopña nequellquënnas attoch noctape'chaterres e'ñe cohuen atet ñerra'm e'ñe nechemeres ñeññ nanac nemuerara. ¹⁵ Na po'ñoçhpa' atet nentenes ñerra'mrrate' e'ñe nechemereshas. Tarro'mar ahuaña allempo neserrpare'tatoses cohuen ñoñets ñeññ Yomporeshotpa' o' name'ñatasa Cristo Jesús, ñeñtpa' atet ñerra'm çho nechemere'tensa Cristocop. Ñeñto'marña te'pa' notenes, ama't eñall shonte' acheñ ñeñtcha' soctape'chaterre' ñeññ cohuentetsa Cristocop, tarraña e'ñe patrra sompor sepen ñeññ ñanom same'ñate', ñeñtpa' atet ñerra'm na. ¹⁶ Ñeñto'marña napa' notenes: Atet sentenen atet nepena na e'ñe cohuen, sapa'çho'ña atetcha' sepa samña.

¹⁷ Ñeñto'marña nemñonas masheñ Timoteo; ñapa'çho'ña nechemer nepeñ. Ñapa' nanac nemorrenteña, ñapa' çhocma ame'ñenana Yepartseshar. Ñapa' ñach seyerpate' Cristo poctapña ñeñtara cotapñats neychatyes erracmañen errate' pame'ñeñoñet apçhenet Yomporecop. ¹⁸ Patanta'ttsospa' nanac sommo'chena atto es señoñtyen. Sapa' çha't sotenapañ ñato' napa' amach neçhapaña sesho. ¹⁹ Tarraña po'ñoçhcha' neçhap sesho ñerra'm Yomporcha' muenats. Ama't tayecmapa' pocte' o'ch ahuen ñerra'm ña muenats. EsemPOCH neçherrerrpa' allemPOCHña neñotos ñeññ ommo'chetsa, ñato' po'ñoçhte' ahuaменcatet Yomporecop, amapa' ñato' attate' ommo'chenet. ²⁰ Amaña e'ñe ñapta yeserrpare'teñoñ yorrtateññañeña Yompor po'cohuenña attoch

atarr ayochreshattena ña; po'huamencote'nachña yorrtateññañ po'cohuenña. ²¹ Ñehua, te'pa' o'ch na'p'to'tas: ¿Errofena't semnen ñeñtcha' atet neñoses allempoch nechap sesho? Ñato' o'ch necoñchatoses, ñato' o'ch soctape'cherr cohuen tayecma attoch esempoch nechappa' amach eñalle attoch o'ch necoñchatoses. Allempopa' ñato' ellochña chach nemuerossa e'ñe cohuen.

5

Atto Pablopa' ama pocteye' entano atto puesheñarr corinto'marnesha' orrtatan ñeñt ama pocteyaye tarraña pamo'tsesha'ñapa' ama errofeye' oteñeto

¹ Ñehua, te'pa' o'ch notas po'poñ. Tarro'mar atet otyenet, po'ñoçh eñallo' sesho puesheñarr yacma ahuo' yorerran pachoretsore'. Ñeñtpa' nanac ochña'teñets atet, tarro'mar ama't ñeñt ama ame'ñetsopa' ama pocteye' entenetoña atet. ² Tarraña sapa' chocmo' cohuen senteñ ñeñt atet sepena. Eso'mare'tña ama choye'ña llecatenso. Tarro'mar ñeñt ochña'tets atetpa' amach allo'na senteñe attoch o'ch allo'na separrocmatnen epas. ³⁻⁴ Ama't napa' ama allo'tsenno parro, tarraña e'ñe neyerpueñoñespa' allo'tseney parro. Ama't ama allo'tsennopa' napa' o'ch notas necartot ñeñt pocte' nenten na, attecma ñerra'm allo'tseney parro. Napa' o' neñoçh ñeñtcha' atet sepe' ñeñt ochña'tets atet. O'ch notas ñeñtcha' atet sepe': O'ch sapcha allohuenes e'ñe same'ñeñoñ Yepartseshar Jesús; napa'cho'ña e'ñe neyerpueñoñespa'

allo'tseneycha' parro. Allochñapa' e'ñe Yepartseshar Jesús po'huamenco'tpa' ⁵ o'ch sepom ñeñt yacmar o'ch sapuer oneñe't attoch a'coñchatoñ po'chets. Allochñapa' puecamquëñpa' queshperrach esempohuañencha' huerra Yepartseshar Jesús.

⁶ O'ch alla noterrser: Sapa' ama't sommo'chenañ atto e'ñe cohuenare' es sepeneñpa' tarraña ñeñtpa' ama pocteyaye, tarro'mar atfa e'ñe semnateñ acheñ o'ch allo'na ochña'tnen. Ama't señoteñe ñerra'm allo'na yemnatneñ o'ch ochña't ama't e'ñe puesheñarro'tapa' tsapa'tonetpa' o'ch pet allohuenet atet. Ñato' o'ch netma'ntacha atet: “Ñerra'm yena' coñe't chase' allempo yeyeçcaten pan, ama't e'ñe coñe'ta yena'pa' o'ch epa'hua ora, attoch e'ñe rropa'ptatuan ora pan.” ⁷ Ñeñto'marña o' notas o'ch sa'ypo'ñerr ñeñt ahuat socta'ña ñeñt nanac sosey. Añcha'ña o'ch setserrataterr socta'ña. Tarro'mar po'ñoçh etserra o' yeçcaterres Yompor. O'ch netma'ntacha atet pete't ahuat allempo o'ch çherr pascuapo çhocmach huapore'tuet allohuen pan ñeñt a'chasaret. O'ch yeçcatet etserra pan ñeñt ama a'chasareteyaye. Ñaña pascuapopa' çhocmach muetsete't carrnerotoll, tarraña te'pa' Cristoña o' amtsare'tta yocop. ⁸ Ñaña ahuat pascuapo añ coshatahuet'e't pan ñeñt ama a'chasareteyaye tarraña te'pa' añcha'ña yocshaterre' attoch o'ch ya'ypo'ña'huerr ñeñt ahuat yocta'ña ñeñt allo yo'chña'tare'te't ñaña ñeñt nanac sosey Yomporecop. Añcha'ña o'ch yoctape'cherr etserra ñeñt e'ñe cohuenare'

coṭapñats Yomporecop ñeñtara coṭapñats ñeñt
e'ñe po'ñoçh cohuen.

9-10 Te'pa' o'ch notas po'poñ. Ahuaña
po'poñ necartoṭpa' atet notuas: Amach
seyemtatscho ñeñt cheta'yene' coyanesha'
amach puetaporeyaye. Ñehua, allempo notas
necartoṭpa' añecop noten ñeñt ame'ñetsa
ṭarro'mar ñerra'm attera cheta'yenan coyanesha',
amach seyemtatsche acheñ ñeñt atet petsa.
Tarraña ama añecpaye' atet noteno ñeñt ama
ame'ñetso ñeñt atet petsapa' amach seyemtatsche.
Tarro'mar añe patsropa' çhocmach yeyemcha
ama't ñeñt ama ame'ñetso, atet ñerra'm ñeñt
cheta'yene' coyanesha' ñeñt ama puetaporeyaye,
ñaña atet ñerra'm ñeñt atarr es ye'chapretetsa,
amapa' ñaña eñet, ñaña ñeñt ma'yochenaya
ayeçhcataret. Ñerra'm ama yeyemtanelopa'
amate' erroçeno yocroña añe patsro. 11 Añña
notenes amach seyemtatsche ñeñt otets
ame'ñenano' Cristo tarraña ñeñt attera cheta'yene'
coyanesha' ñeñt ama puetaporeyaye, amapa'
ñeñt attera es ye'chapretyetsa, amapa' ñeñt
attera ma'yochenaya ayeçhcataret, amapa' ñeñt
attera sasare'tets, amapa' ñeñt attera posa'tarets,
amapa' ñeñt attera etyets. Ñeñt atet pa'yetsapa'
amach seyematstero, ñaña ama't attapa' amach
serrallme'cherro epas. 12 Ñehua, añecop atet o'
notuas, ṭarro'mar yocoppa' ama pocteyaye o'ch
yotteñe'cheñ ñeñt ama ame'ñetso. Yocoppa' añña
e'ñe pocte' o'ch yotteñe'cheñ ñeñt pame'ñeñoçet
atterach es pantenet. 13 Yomporpa' ñachña

otteñe'cherre' ñeñt̃ ama ame'ñetso. Sapa' aña poctetsa socop sehuapore'ch ñeñt̃ atterach sosya'tsañach orrtatyenet.

6

Atto ama pocteyaye o'ch yetmantanna'ta

¹ Te'pa' o'ch noterrserre po'poñ. Ñaña o' ne'mare'tas atto sapa' chocmo' setmantannena ñerra'm esempo erroť sepannena, ñaña ama't ñeñteso' pueyochresha' o' perrsoñ Parets. Eso'mare't chocma soteñña añcha'tareť ñeñt̃ ama ame'ñetso o'ch a'poctatonas ñeñt̃ atto se'moñe'tannena. Socoppa' aña pocte' o'ch soch puesheñarr ñeñt̃ e'ñe parrocmá same'ñena ñetcha'ña a'poctate' ñeñt̃ atet sepannena. ² Ama't señoñe ya ñeñtey o' pueyochresha' perrey Paretspa' yach añcha'tareťterrtsa allohuen acheñeneshacop arr patsro esempohuañen. Ñehua, ñerra'm po'ñoč yeñoñeñ o'ch ya'mcha'tareťterra allohuen acheñeneshacop arr patsro esempohuañenpa' eso'mare'tña ama señoñe o'ch sa'poctat ñoñets e'ñe sañeña ñeñt̃ ama torrapahuoyaye. ³ Ñaña ama't señoñe esempohuañenpa' yach añcha'tareťterrtsa ama't Yompor po'millañoñeñanesharecop. Ñeño'marña te'pa' notenes e'ñe pocte' o'ch ya'poctatanna'ta ya yeñoñ ñeñt̃ atet yeychena te' arr. ⁴ Ñerra'm esempo esocop setmantannenapa' eso'mare'tña o'ch sene' puesheñarr ñeñt̃ ama cohuenaye' enteno ñeñt̃ ame'ñetsa, ñach a'poctate' señoñ socop. ⁵ E'ñe nepencna'ntateñoťes sapa' ñeño'marña atet notenes: Seshopa' ¿ama'tña eñalleña ama't

puesheñarra ñeñt ame'ñetsa ñeñt eñotene' o'ch a'pocatan ñoñets? Ñeñt eñotene'pa' e'ñe pocte' ñach a'pocataene' señoñ ñeñtes parro same'ñena. ⁶ Tarraña te'pa' ama atteye' sepeno. Chocmo' setmantannena ama't ñeñteso' parro same'ñenañ. Sapa' ahuo'ch'cho' ahues tomantanna'ttsa a'yo allo'tsen acheñ ñeñt ama ame'ñetso, ñapa' ahuo'ch'cho' a'pocatonas señoñ socop.

⁷ Tarraña ñeñt'pa' ama pocteyaye ama't mamesha o'ch setmantannena. Tarro'mar ñerra'm chocma yetmantannenapa' ñeñt'pa' ama añeye' yepeno atet muenen Yompor. Añña ñerra'm esempo erroť p'onas po'psheñeñpa' eso'mare'tña amaña alla sa'huantannenoña ñeñt atto erroť es sepanna'tyena. Ñaña ñerra'm esempo es puerratan'pensetpa' eso'mare'tña amaña alla sa'huantenaneto. Añ poctetsa o'ch alla ya'huantenanet alla. ⁸ Tarraña sañapa' ama atteye'ña sepeno. Añña sapa' chocmo' erroť sepannena, ñaña chocmo' es sepratan'psannena ama't e'ñe sagattsa ñeñtes ame'ñetsañ.

⁹ Ama't señoñeña ñeñt ama cohuen es petsopa' amach es o'paterroña all am'cha'tarettena Yompor. Amach semnatatsche po'psheñeñ o'ch atta shecare'tas. Po'ño'ch atet notenes, ñeñt cañoresha'tetspa' amach es o'paterro all am'cha'tarettena Yompor. Ñaña ñeñt po'yomporer p'a'yene' aye'chcateretpa' ñetpa'cho'ña amach es o'patataretterretoña all am'cha'tarettena Yompor, ñaña ama't ñeñt apretets taporets, ñaña yacmanesha' ñeñt agapannetsa e'ñe ñagattset. ¹⁰ Allo'tpa' ñaña

ñeñt etyets ñaña ñeñt atarr es ye'chapretyetsa, ñaña ñeñt posa'tare'tyets, ñeñt atet pã'yetsapa' amach es o'patatare'tterreto all añcha'tare'ttena Yompor. Allo'tpa' ñaña ñeñt achmãare'tets ñaña ñeñt puerratañpesyets ñetpa'cho'ña amach es o'patatare'tterreto all añcha'tare'ttena Yompor. ¹¹ Sapa'cho'ña puesheña'ttsos attecma sepe't saña ahuaña. Tarraña te'pa' o' e'shohuaretterra so'chñar, attoña o' sa'cohuentatare'tterra Partsocop. E'ñe seyemteñoñ Yepartseshar Jesucristo te'ña Pomporpa' o' pocte' enterres. Ñaña e'ñe puechorreñotes Yompor Puecamquẽña' o' pocte' enterres Yompor.

Añ pocte' o'ch e'ñe yecuen cohuen yechets tarro'mar ñeñtara yechetspa' po'chets peñ ñaña Cristo

¹² Te'pa' o'ch noterrser po'poñ. Ñehua, napa' neñotenes puesheña'ttsospa' atet sotatse'tyen, "e'ño' pocte' ye'pa'yes ama't erra'tsentē' yemnen." Ñehua, yapa' yeñoteñ Yompor po'ñoñpa' ama't ama atet otenyeñe amach es ye'pa'yesatsto, ñeñto'marña "e'ñe pocteñ allohuenpa' o'ch es ye'pa'yeneñ." Tarraña ama't e'ñe pocteñ o'ch atet es ye'pa'yeneñ allohuenpa' tarraña ñerra'm ñeñtpa' ama añecpayaye alloch yeyenpueñ yamo'ts attoch e'ñe huomenc ye'panna yeyo'cher Yomporecoppa' ñehua, ñeñte'pñapa' amach atet ye'patsto. Ñaña ama't pocteñ allohuenpa' o'ch es ye'pa'yespa', tarraña ama pocteyaye o'ch nanac es yayomãtse'tyesa tarro'mar ñerra'm es nanac yayomenapa' ñeñtaña pomnaren pene'ña yechets. ¹³ Ñaña neñotenes puesheña'ttsospa'

atet sotatse'tyen, e'ño' pocte' senteñ o'ch señmatat sechets e'ñe sa secañoresha'teñoñ tarro'mar ñeñtecpo' yeçhquënaña sechets o'ch atet sepateñ. Ñeñto'marña atet setma'ntatenaña sechets ñerra'mrrate' allempo sachporrena çhoch serra' serrar attochña e'ñe señmatat sañ e'ñe ora sechtsohuen tarro'mar satpa' ñeñtecpo' yeçhquëna. Tarraña te' napa' o'ch notas, ama't pocten o'ch yeñmatateneñ yañ arr patsropa' çhapcha' esempohuañen allempopa' o'huañcha' yemna' yañ ñaña yerrar, tarro'mar atet ne' Yompor. Tarraña ama't pocten o'ch yeñmatateneñ yañpa' tarraña ama pocteyaye o'ch e'ñe yeñmataten yechets yecañoresha'teñoñ tarro'mar ama añecpaye' ayeçhcatareteña yechets attoch yecañoresha'ten. Yechetspa' añecopña ayeçhcataret attoch yetorra'yesa Yepartsesharecop. Ñaña ñapa' ñach yecuamipene'ña yechets. ¹⁴ Ñeñto'mar Yomporpa' o' tantaterran Puechemer ñeñt Yepartseshar yepen ya. Ñeñto'marña yeñoteñ yapa'çho'ña esempohuañenpa' tantaterrnaycha'yaña yechets. E'ñe po'huamencoñpa' tantatuerreycha'.

¹⁵ Ama't señoeteñeña e'ñe yeparrocmateñoñ Cristopa' ñeñt ya yechetspa' po'ñoçhpa' ñeñtara po'chets pen ñaña Cristo. Ñeñto'marña notenes, atto ñeñt po'chets pen Cristo ñeñtara ya yechetspa' eso'mare'tña e'ñe pocte' senteña e'ñe ya yechtsoñpa' o'ch yecañoresha'tach Cristo. Amaca'ye pocteyaye o'ch yetsetach Cristo po'chets epuet yecañoresha'. ¹⁶ Ñehua, ama't señoeteñeña ñerra'm esempo yo'chña't

epay ottatsñaŧpa' epsheño'marey o'ch e'ñe yeparrocmatash yechtso. Po'ñoŧh atet enteney Yompor atet oteneŧ po'ñoñoŧ ñeñŧ anuaret ahuatoteñ, añmapa' ñeñŧ atet oten: "ñeñŧ epsheño'maretpa' e'ñech paŧrra po'chets penet." ¹⁷ Tarro'mar e'ñe yeparrocmateñoŧ Yepartsesharpa' epsheño'mareypa' e'ñech paŧrra yoctape'chen yeyoŧhro ñeñŧ yecamquëñecop.

¹⁸ Ñeño'marña notenes añ pocte' o'ch sa'ypo'ñer cañoresha'teñets. Po'poñechno ñeñŧ yeŧa'yen soseypa' ñeñŧpa' ama yechtsoye' ya'sosyateno. Tarraña añña cañoresha'teñetspa' ñeñŧpa' e'ñe ya yechets ya'sosyateno. ¹⁹ Ama't señoŧeña ye'narpa' ñeñŧara pa'paquëll pen Parets Puecamquëñ ñeñŧ chorratenya Yompor. Ñeño'mar yeñoŧeñ yechetspa' ama yoyaye, ñeñŧpa' Yomporo tarro'mar ²⁰ ñapa' ahuo't rañterrya. Atto rañterryapa' nanac mueroŧhta Puechemer attoch tsa'tuerrnaya yo'chñar. Ñeño'marña notenes, ama't atto yocrrena yechtsoŧpa' Yomporepa'chña yecohuentaten e'ñe yecamquëñoŧhuen tarro'mar ñeñŧ epo'marpa' Yomporo.

7

Atetcha' yeŧa ñerra'm yemneñ o'ch yesna'ta

¹ Te'pa' o'ch neserrpare'tatas ñeñŧ atet sa'pŧo'ten ahuaña secartot. Ahuo't sa'pŧo'ten pocte'te' o'ch yesna'ta. Ñehua, ñanom o'ch notas atet, e'ñe pocteñ amate' yeyoratsche coyanesha' ñeñŧcha' yetapor yeŧa'. ² Tarraña ellopa' añ

pocte' ñaña allohueney yacmaneshay o'ch yeyore puešeñarr coyanesha' ñeñtcha' yetapor yeña'. Coyanesha'pa'cho'ña pocte' ñaña echanepa' e'ñe ña puerrollar. O' notas atet tarro'mar ñerra'm ama cho seyoro puešeñarr ñeñtcha' setapor seña'pa' attate' allo'na secañoresha'tnen. ³ E'ñe pocte' epas setaporpa' sagapanna'tepa'ch. ⁴ Tarro'mar coyanesha' ñeñt arrollaretpa' ama e'ñe ñapñayaye po'chets, ñeñtpa' puerrollaro'nach. Ñaña yacmapa'cho'ña amach ñapñayaye po'chets, ñeñtpa' puetaporo'nach. ⁵ E'ñe pocte' chocmach sagapannena. Tarraña ñerra'm erroteno esempo pocte' senteñ epsheño'mares o'ch sa'pocstat ñoñets e'ñe sañeña amach sagapanna'terro allponmat attoch añach sema'yochra ma'yochatsa. Tarraña ñerra'm o' met allponmat allempo o' sa'pocstatuepa' pocte' o'ch alla sagapannerra. Tarro'mar ñerra'm ama ahuen sagapannerropa' chate' oneñetpa' topatas amate' sa'huan to.

⁶ Tarraña ama notenso ñeñtach paterr pocetsa o'ch yesna'ta, aña' atta notenes ñerra'm semneñ o'ch sesna'tapa' pocte' sena'tepa'. ⁷ Tarraña napa' e'ñe pocte' nenteñ ñerra'm allohuenes atteseñ ñerra'm na.* (Tarro'mar Yomporpa' ahuo't apuen attoch amach nemno coyanesha'.) Tarraña allohueneypa' ama attecmayaye. Tarro'mar Yomporpa' ahuo't apa'yese y ellocma atetcha' yesherbe' e'ñe cohuen.

⁸ Ñaña o'ch notas, ñeñtes ama ataporetesopa' e'ñe pocten amate' sesna'tatsto. Ñaña ñeñtes

* **7:7** Ñehua, Pablopa' ama eñalle puetapor.

rretorrnaneshaspa' e'ñe pocten ñaña amate' sesome'terro. E'ñe pocten o'te' socrrañ e'ñe atfa atet nepena na. ⁹ Tarraña ama't notensoñ atetpa' ñerra'm ama erroteno sa'huantopa' e'ñe pocte' sesna'tepa'. Ama pocteyaye o'ch atfa nanac yemneñ coyanesha'. Añña pocte' yesna'tepa'. Tarraña añña nanac cohuen ñaña amach yesna'to.

¹⁰ Te'pa' o'ch notas ñeñtes arrollaretes ñeñtcha' atet sepa. Ñehua, po'ño'ch ama naye' otetso, añña Yepartsesharña otets. Añ pocte' amach sesatstere serrollar. ¹¹ Tarraña ñerra'm eseshas serre' serrollarpa' añ pocte' amach sesome'tatsterro ello, amapa' o'ch alla samo'tstera serrollareshe'mañ. Ñaña o'ch notas samña ñeñtes ataporettes, amach sesatstere setapor.

¹² Te'pa' o'ch notas ñeñt atet pocte' nenten na. Ama't Yepartsesharpa' ama otenne ñeñt poctetsa añecop, tarraña napa' o'ch neñotatas ñeñt pocte' nenten na. Ñerra'm puesheñarr yacma ñeñt o' ame'ñerra ñeñt atapore'tañ, tarraña ñerra'm puetaporpa' ama ame'ñeno, añ pocte' amach satsterrano puetapor ñerra'm puetaporpa' ama mueno o'ch ahuerr. ¹³ Attecma ñaña puesheñarr coyanesha' ñeñt o' ame'ñerra ñeñt arrollare'tañ, tarraña ñerra'm puerrollarpa' ama ame'ñeno, añña pocte' amach satsterrano puerrollar ñerra'm puerrollarpa' ama mueno o'ch ser. ¹⁴ Tarro'mar ñerra'm puetaporpa' ame'ñena, chocma eñall attoch o'ch ame'ñatana puerrollar. Attecma ñaña ñerra'm puesheñarr yacma ñeñt ame'ñetsa, chocma eñall attoch ame'ñatana ñaña puetapor. Ñaña ñerra'm sesannenapa'

ñato' sechemerasha'pa' amach es eñoterro
 Partsocop. Tarraña ñerra'm ama sesannerropa'
 sacñeñarnesha'ñapa' o'ch so'patacha ñaña Parets.
 15 Tarraña ñerra'm puesheñarr yacma ñeñt'
 ama ame'ñetso, ñerra'm mueneñ o'ch serran
 puetapor ñeñt' ame'ñetsa, ñehua, pocte' serepa'.
 Tarro'mar puetapor ñeñt' ame'ñetsapa' ama es
 palltetso puerrollarecop. Ñaña Yomporpa' ama
 mueno ellopa' o'ch allo'na ye'moñe'tanna'tnena
 yerrollarecop. Attecma ñerra'm puesheñarr
 coyanesha' ñeñt' ama ame'ñetso, ñerra'm mueneñ
 o'ch serran puerrollar ñeñt' ame'ñetsa, ñehua,
 pocte' serepa'. 16 Ateñ notenes sesannerrepa'
 tarro'mar ñeñtes arrollaretespa' po'ñoçhpa'
 amach erroteno señoche ñato' sa'queshpachcha'
 serrollar, ñato' amate'. Ñaña ñeñtes ataporetespa'
 amach erroteno señoche ñato' sa'queshpachcha'
 setapor, ñato' amate'.

17 Ñeñto'mar te'pa' o'ch noterrser,
 erroteno'tseneste' ama't allempo errte' same'ñera
 Yepartsesharpa' atterasepa'ch. Ñaña atet'
 muenatyeney Yomporpa' attepa'ch yepena
 puesheña'ttsoy. Ñeñtpa' attecmaç neyçhatyes
 ama't ñaña ora allohuen ñeñt' pame'ñeñotet
 apçha'yetsa allemeñ anetso'mar. 18 Ateñ
 ñaña ñerra'm puesheñarr yacma allempo
 errte' ame'ñerrtset, ñerra'm allempopa' o'
 atsorraretetuet atet yeche't judionesha'pa'
 te'pa' ama pallteno o'ch a'huañerran all tsorret
 ahuat. Attecma ñaña po'psheñeñ allempo errte'
 ame'ñerrtset, ñerra'm ñetpa' ama atsorrareteto,
 te'pa' ama pallteno o'ch atsorraretet atet yeçhena

judionesha'. 19 Ama't ya'tsorrarettatstapa' ñeñtpa' ama es sherbeno. Ñaña ama't ama ya'tsorrarettatstopa' ñeñtpa'cho'ña ama es sherbeno. Añña nanac sherbets o'ch yeþa ñeñt atet oteney Yompor. 20 Ñeñtpa' o'ch alla noterrerr, añ pocte', ama't erroteno'tseneste' allempo errte' same'ñerrapa' atterasepa'ch. 21 Ama't allempo errte' þame'ñerra, ama't añeþte' ñeñt ataruasatare't e'ñe attapa' e'ñe pocte', amach pellcatsto. Atterach petaruasen pepatronarecop, tarraña ñerra'm erroteno't o'ch þa'rroyaterra pepatronaresho'tpa' e'ñech pocte' a'rroyerrpetepa' allo't taruasatenpet e'ñe atta. 22 Nato' o'ch netma'ntacha atet: Eñall puesheñarr yacma ñeñt ataruasatare't e'ñe atta, tarraña o' chap allempo agapan Yepartseshar ñeñtcha' Pamo'mte' perr. Allempopa' ama't attera taruasateñeñ ñeñt po'patronar pen arr patsopa' tarraña te'ña Cristopa' a'rroyatanþper po'chñar ñeñt nanac taruasataye't ahuaña. Te'pa' añcha'ña taruasaterre' Cristo ñeñt Yepartseshar yepen. Ñaña eñall puesheñarr yacma ñeñtña'ña' cohueno'tsen ñeñt ama ataruasatare'teyaye. Ñapa'cho'ña o' chap allempoch aguërran Yepartseshar Cristo ñeñtcha' Pamo'mte' perr. Te'ña Pamo'mte' Cristopa' ñachña taruasaterre' e'ñe cohuen ñeñt ahuañapa' ama ataruasatare'te e'ñe atta. 23 Cristopa' o' rañterrya. Atto rañterryapa' nanac mueroçhta attoch tsa'tuerrnaya yo'chñar. Ñeñto'marña notenes, amach acheña ñapue't samo'mte' seþatsto, añña e'ñe po'ñoçh Yamo'mte' yepen

Cristo. ²⁴ Ñeñto'marña masheñneshacha' ñaña nochaneshacha' o'ch noterrserr alla, ama't erroteno'tseneste' allempo errte' same'ñera Cristopa' pocte' atterasepa'ch. Tarraña Yomporepa'chña seyenpue'.

²⁵ Te'pa' o'ch noterrserr po'poñ. Añpa' ñeñt atet sa'p'to'ten ahuaña ñato' pocto'te' ahuo'ch some'ta ñeñt shopsheshare'. Ñehua, napa' o'ch notas, Yepartsesharpa' ama otenyeñe ñeñt'cha' atet yepe' shopshesharecop, tarraña napa' o'ch neñotatas ñeñt pocte' nenten e'ñe na, tarro'mar Yepartse-shar pueuereño'tpa' ahuo't eñotañ pa'n attoch sapa' seyemuetna. ²⁶ Ñehua, ñanompa' o'ch notas: Ama't te'pa' chocma huennaya shonte' esocmañen ñeñt echarr yentyen ñeñto'marña pocte' nenteñ amate' sesome'to, ñaña amate' sesna'to. Añña poctetsa attate' yocrra. ²⁷ Tarraña ñerra'm o' seyore coyanesha'pa' e'ñe pocte'; te'pa' amach sesatstere. Atteña ñerra'm ama seyoreña' coyanesha'pa' pocte' ñaña; te'pa' amach seyoratsche. ²⁸ Tarraña ñerra'm esempo semne' o'ch sesna'tapa' e'ñe pocte'. Ñaña ñerra'm esempo coyanesha'pa' mueneñ o'ch some'ta, ñeñt'pa'cho'ña e'ñe pocte', tarro'mar ñeñt'pa' ama ochña'teñtsoyaye Yomporecop. Tarraña ñerra'm yacmapa' o'ch sena'ta, ñaña ñerra'm coyanesha'pa' o'ch some'ta ñaña, allempopa' o'ch echan shonte' ñeñt'cha' llecatyese' attoch corret arr patsro. Ñeñto'marña notenes amach sesna'tatsto, coyanesha'pa'cho'ña amach some'tatsto, tarro'mar napa' ama nemno o'ch sechen shonte' ñeñt'cha' sellcatyene'.

²⁹ Ñeñto'marña masheñneshacha' ñaña

nočhaneshacha' nemneñ o'ch alla noterrser. Te'pa' ama atonaye' pallteno char attoch yetorrena Yomporecop. Ñeñto'marña o'ch notas ñeñtes o' setapore't, ama't o' setapore'tpa' añña poctetsa e'ñe tayoteñ amach patrra sellcatsto ñeñt setaporecpa. Añecpa'nachña setorrena Yomporecop. ³⁰ Ñaña ñerra'm esempo huaponasa llequëñetspa' amach ñeñto'a yequechpatsterro atto yetorrena Yomporecop. Ñaña ama't esempo es nanac yocshatene'pa' amach ñeñto'a yepsatstere Yompor. Ñaña ñerra'm esempo yapa' esocmañen yechenpa' tarraña amach ñeñto'a yepsatstere Yompor. ³¹ Ñaña ñerra'm esempo es ye'pa'yen ñeñt patso'marecpapa' amach e'ñe ñeñta yocshatsto ñeñt patso'marecpa. Tarro'mar ñeñt atet yeychen añ patso'marpa' ñeñtpa' huañerrcha' esempo.

³² Ñeñto'marña notenes añechno, tarro'mar nemneñ sapa' amach eñalletatsto po'poñ ñeñtcha' nanac sellcate'. Atet pena yacma ñeñt ama ataporetepa' añach e'ñe llequëna ñeñt Yomporecop. E'ñech ma'yočhrenaana attoch coshatenan Yepartseshar. ³³ Tarraña yacmaña ñeñt ataporetpa' añach e'ñe llequëna ñeñt atto yocrrena añe patsro. Ñaña añach ma'yočhrena attoch coshatenan puetapor. ³⁴ Ñeñto'marña amach errotenot patrra ma'yočhreno ñeñt Yomporecop. Attecma pena ñaña coyanesha' ñeñt ama arrollarete. Añach ma'yočhrena ñeñt Yomporecop. E'ñe po'chtsohenpa' mueneñcha' o'ch a'roya Partsocop. Ñaña ama't ora

poctaḗñohuenpa' o'ch ma'yočhrena Partsocop. Tarraña coyanesha' ñeññ arrollareṭpa' añach lleca ñeññ atto yocrrena añe patsro, ñaña añach lleca attoch coshatan puerrollar.

³⁵ Ñeññ notenespa' ama añecpayaye attoch o'ch nompa'tas amach sesna'tatsto. Añecopña atet notenes attoch napa' neyenpas, attoch čocma cohuenare' es sorrtatyen. Ñaña čocmach socsheñsha'pa' o'ch sema'yočhrena Yomporecop, amach eñalletatsto ñeññcha' sepatene'.

³⁶ Te'pa' o'ch noterrser po'poñ: Ñerra'm eseshas echene' seseñ ñeññ o' po'natuena, ñaña ñerra'm pocte' senteñ o'ch some'tapa' ñehua, pocte' some'tepa'. E'ñe pocte' o'ch semnach some'tepa' tarro'mar ñeññpa' ama ochña'teñtsoyaye Yomporecop. ³⁷ Tarraña ñerra'm erra'tsenotespa' sechen seseñ, ñaña ñerra'm ama semno o'ch some'ta, ñaña ñerra'm seseñpa' e'ñe pocte' enteñ amach some'tatstopa' ñehua, pocte' ñaña amach sesome'tatatsche. Ñerra'm po'ñočh señoñeñ seyočhro añpa' e'ñe pocte' atet, ñehua, amach sesome'tatatsche. Elloña ñeññpa' nanac cohuen. ³⁸ Ñeñño'marña te'pa' o' notas: Ñerra'm erra'tsenotes muenate' seseñ o'ch some'tapa' ñeññpa' pocte'. Tarraña ñerra'm erra'tsenotes ama some'tataye seseñpa' elloña ñeññpa' nanac cohuen.

³⁹ Te'pa' o'ch noterrser po'poñ. Ama't esempapa' ama pocteyaye coyanesha'pa' o'ch serran puerrollar. Ama't errponmatcha' correna puerrollarpa' amach satstere. Tarraña ñerra'm esempo rroma puerrollar, allempopa' e'ñe pocte'

o'ch some'terra ello, tarraña ñerra'm erra'tsencha' muenerr ñeñtcha' yorerre' ñeñtpa' ame'ñenach ñaña. ⁴⁰ Tarraña ama't o' notuaseñ e'ñe pocte' o'ch some'terra rretornanesha', elloña napa' noctape'cheñ ñerra'm o'ch some'terra, ñato' allempopa' cosherrañcha' mame'. Tarraña ñerra'm amach some'terro, napa' noctape'cheñ ñato' allempopa' ellochña nanaccha' cosherra ñapueñ. Napa' noten Yompor Puecamquëñoñ neñoten atet.

8

Arrpa' all cotape'chatan corinto'marnesha' añecop ñeñt amsaret ayeçhcataretecop

¹ Te'pa' o'ch neserrpare'tatas po'poñ ñeñt atet sa'p'to'tenen ahuaña, ñeñtpa' atet sotenen: Ñeñtey ame'ñenaya Cristopa' ñato' ¿pocto'te' o'ch serra' po'chets ñeñt muetsenet ayeçhcataretecop? Napa' neñotenes puesheña'ttsospa' sotyen sapa' seño'teno' ñeñt cohuentetsa Yomporecop. Ñehua, po'ño'ch al-lohueneypa' yeñoteñ ñeñt cohuentetsa Yomporecop. Tarraña ñerra'm esempo yoten: “Napa' e'ñe neñotuen ñeñt cohuentetsa Yomporecop”, ñerra'm e'ñe yommo'cheñoña yotenpa' ñeñtpa' e'ñech or-rena atet yoten. Yommo'cheño'tpa' amach çoye' yeyenpanno attoch huomenc ye'pa' yeyoçher Yomporecop. Yemorrentanna'teño'tpa' çhocña yeyenpanna'ta. ² Tarro'mar ñerra'm esempopa' çhach yotenapañ o'te' e'ñe es yeñotua poctacma, tarraña yeñoteñ po'ño'çhpa' çhocma yepalltena o'ch e'ñe yeñotua poctacma ñeñt cohuentetsa. ³ Tarraña e'ñe yemorrenteño't Yomporpa' ñapa'

eñoteny yapa'cho'ña yeñoteñ ñeñt' cohuentetsa ñocop.

4 Te'pa' o' notuas atet te'ñapa' o'ch neserrpare'tatas ñeñt' cohuentetsa Yomporecop. Ñeñtey ame'ñenaya Cristopa' pocte'te' o'ch yerren po'chets ñeñt' amtsaret ayečcataretecop, ñato' amate' pocteyaye. Ñehua, yeñoteñ ñeñt' ayečcataret' ñeñt' toma'ntatenet ñetpa' po'ñočhpa' ama eñalle Yompor ñeñt' atet. Yapa' yeñoteñ Yomporpa' e'ñe pa'rra. 5 Po'ñočhpa' ñetpa' pa'namen po'yomporer pa'yenet ama't atet ñerra'm ñeñt' ento'tsa'yen, ñaña ama't ñeñt' a'ne patsro'tsa'yen. Ñetpa' pa'namen po'yomporer pa'yenet, ñaña pa'namen po'partseshar pa'yenet. 6 Tarraña ya yocoppa' yeñoteñ Yompor Apapa' e'ñe pa'rra, ñeñt' Yompor ñeñt' yečcatue' allohuen ñeñt' yentyen, ñaña yapa' ahuo't yečcatey e'ñe ñocop. Ñaña yeñoteñ Yepartsesharpa' e'ñe pa'rra ñeñt'ara Jesucristo ñeñt' yečcate' allohuen ñeñt' yentyen. Te' yapa'cho'ña apueney atto yocrrena.

7 Tarraña acheñenesha'pa' ama allohuenac-maye' yoctape'chueno atet. Ñeñto'marña puesheña'tetspa' ahuatoteñ yečhete't o'ch nenet es po'chets ayečcataretecop. Ñeñto'marña ñerra'm esempo rrenet ñeñt' po'chets ñeñt' muetsenet ayečcataretecoppa' e'ñech atta rreñet po'tomña. E'ñe po'tomña'pa' otenet ñato' ama pocteyaye o'ch yerren po'chets ñeñt' nenet ayečcataretecop. Ñetpa' atta enteñet ama arrapahuoyaye ñeñt' Yomporecop. Tarro'mar ama čhenaneto pueyočhro atto ñeñt' e'ñe

poctetsa Yomporecop. ⁸ Ñehua, yapa' yeñoteñ ñeñt' yerrenpa' ama añecpayaye attoch e'ñe cohuen entey Yompor. Ama't yerreñ, ñaña ama't ama yerreñe ñehua, e'ñe attecma enteney Yompor. ⁹ Tarraña e'ñech señoa: E'ñech acoña es seña'yes. Ama't yapa' yeñoteñ Yomporpa' e'ñe pocte' enteñeñ o'ch yerren po'chets ñeñt' anaret' ayečcataretēcoppa' tarraña ñato' yerreñoť añechnopa' čhate' alla ya'puerratatuer ñeñt' ama tama huomenc penaye pueyočher Yomporecop. ¹⁰ Tarro'mar ñato' sapa' atette' sepena. Ñato' o'ch ahuenes puerahuo allo'tsen ayečcataret', allña'pa' ñato' o'chčo' serros po'chets ñeñt' amtsaret' ayečcataretēcop. Ñaña ñato' sapa' e'ñech socsheñesha' serreñ tarro'mar sapa' señoa' yeñoteñ ñeñt'pa' ama esoye' enteñe Yompor. Tarraña ñato' e'ñe allempoña serreña'pa' ñato' o'ch entas po'psheñeñ ñeñt' parro same'ñena. Tarraña ñapa' ñato' ama pocteye' enteñe o'ch yerren po'chets ñeñt' amtsaret' ayečcataretēcop. Ñato' o'ch peye'chateña ñaña pemo'nasheñ o'ch rreñ ñaña ñato' ama't ñapa' ama pocteye' enteñe. ¹¹ Tarraña ñerra'm ñapa' o'ch rrenan po'chets ñeñt' anaret' ayečcataretēcoppa' ñapa' o'ch enteñ atetpa' ochña'teñets Yomporecop. Atteña'pa' ñato' o'ch alla puesuerran Yompor. Ñeñto'marña notenes, ñato' e'ñe yeñoteñoť ñeñt' cohuentetsa Yomporecoppa' o'te' ya'chencatach yemo'nasheñ ñeñtēcop Jesús'pa' rroma ñaña. ¹² Ñerra'm esempo atet ye'papa' čhate' yeyora yo'chñar yemo'nasheñēcop tarro'mar o' yeye'chatera o'ch perra ñeñt' ama

pocteye' enteno ña. Ñehua, ñerra'm esempo yeyora yo'chñar yemo'nasheñecoppa' e'ñe ño'pa' o'ch yo'chña't ñaña Cristocop. ¹³ Ñeñto'marña te'pa' o'ch notas atet, ñerra'm esempo yerren po'chets ñeñt anaret ayečcataretocop, ñerra'm yerreño'pa' ñato' ya'puerratater yemo'nasheñpa' e'ñe pocten amach yerratsto ñeñt po'chets. Ñeñto'marña napa' ama't esempapa' amach nerratsto ñeñt po'chets te'ta' neyoren no'chñar nemo'nasheñecop attotcha' na'puerratater.

9

Atto e'ñe pocten ñeñt torretsa Yomporecoppa' o'ch esysherbeñ

¹ Te'pa' o'ch neñotatas po'poñ ñeñt atet nepena na. Napa' e'ñe pocten o'ch ne'pa'yes e'ñe erra'tsencha' nemnen na tarro'mar sapa' señotenen atto napa' ama eñalle ñeñt neyechare'tenaya na, tarro'mar napa' allsensareten Yomporeshot. Ñaña señotenen napa' o' orrterrana Yepartseshar Jesús, ñaña señotenen ña ahuamencat nepene' tarro'mar e'ñe na netorreño' ñocop attoña same'ñerra saña. ² Ñehua, ama't po'potantaña' otyenetañ napa' amo' allsensareteyayno tarraña sapa' señotenen po'ño'ch napa' allsensaretenca'ye tarro'mar napa' ñeñten same'ñaterraya saña. Atto sapa' e'ñe cohuen same'ñera Yompor, attoña señotateña allohuen po'ño'ch napa' Yomporeshot allsensareten. Ñeñto'marña e'ñe pocten o'ch ne'pa'yes e'ñe erra'tsencha' nemnen na ñeñten allsensareten, tarraña ñeñtpa' ama atteye' nepeno

tarro'mar napa' ama nemno e'ñe atet nepeñoť
o'ch nepatare't cohuen ñoñets alloch Cristopa'
a'queshpaterres.

3 Ñeño'marña te'pa' o'ch notas ñeñtcha'
atet nanapanet ñerra'm esempo a'pťo'tare'tnet,
pocťo'te' ñeñť atet ne'pa'yena. 4 Po'ño'chpa' e'ñe
pocťeñ nocop o'ch serratallme'chennoñ allempo
neserrpare'tatenes. Ñaña pocťeñ sapa' o'ch
sapnoñ ñeñtcha' norryen. 5 Ñaña nocop e'ñe
pocťeñ ñerra'm eñalleñ netapor o'ch nanemñ ñeñť
parro yame'ñena all nechopeñe'chyen. Atet pena
po'potantañ allsensaretnesha', ñaña atet pena
Yepartseshar pa'mo'nasheñnesha', ñaña ñeñť
atet pena Pedro. 6 Ñaña sapa' ñato' chate' soten
e'ñe pocťe' e'ñe epsheño'marey epan masheñ
Bernabé yaptach yetaruasen atťoch yechen
ñeñtcha' yerren. Po'ño'chpa' po'potantañe'chno
ñeñť torra'yetsa Yomporecoppa' ñetñapa'
arratare'ttenet e'ñe atťa. 7 Po'ño'chpa' ñeñť atet
pena solltarnesha'pa' ñetpa' e'ñe atťa apare'ttenet
ñeñť palltenet, amach es tsa'teneto. Ñaña
atet pena ñeñť nare'tene' narmets. Ñetpa' e'ñe
puenare'teñoťpa' chocmach tsomueññañet
puenaremñ pue'mer. Ñaña atet pena ñeñť
po'taruas pene' o'ch cohuanmpenan carrnero
ñaña cabra. Ñetñapa' chocmach orreññañet
puemomos. 8 Sapa' chate' sotenapañ ñeñť atet
notenes, ñeñťpa' e'ñeťe' nañeña noctapñoť atet
notyenes ñeñť atet yocťape'chyen ya allohueney
ñeñťey arromñaťey. Tarraña ñeñťpa' amaca'ye
atťeyaye tarro'mar ñeñťpa' ñeñťara ñoñets ñeñť

atet anaret ahuatoteñ. ⁹ Tarro'mar Moisés po'ñoñ ñeñt atet anuaret ahuatoteñ, ñeñtpa' atet oten: “Ñerra'm esempo satmama'tateñ huaquësh attoch es serrocllome'chach pa'tcot allempopa' amach sempanma'tatsche attoch ñapa'cho' rranepañña ñeñt serrocllome'chateñ.” Ñehua, yapa' yeñoteñ Yomporpa' ama e'ñe ñaptecpa huacshecop eñose'te. ¹⁰ Po'ñoçhpa' yocpa'ñaña eñose't ñeñtey torra'yetsa ñocop. Tarro'mar e'ñe puemorreneteñtey yapa' Yomporpa' e'ñe pocte' enteñ arratareteycha' yaña all yetorra'yena ñocop. O'ch netma'ntacha atet: Ñerra'm cho yetamuenpa' chocmach yeyemtena ñeñtcha' yenare't all, o'ch choppa' ñeñtcha'ña yetsomuerr. Ñaña ñerra'm cho es yerrocllome'chenpa' chocmach yeyemtena ñeñt yerrocllome'chen, tarro'mar yapa' yeñoteñ chocmach apuerryet allpon. ¹¹ Ñehua, o'ch alla netma'ntatererr po'poñ. Allempo yeserrpare'tatenes Yompor po'ñoñ ñeñtpa' attecma ñerra'm cho yenare'ten narmets pue'llomer sesho. Ñeñt atet nare'teñetspa' sherben attoch e'ñe yocrra Yomporecop. Ñehua, ñerra'm yapa' o' yeñotatas ñeñt sherbets errponohuañen yecamquëñecoppa' ama'tña pocte' senteñeña sapa' o'ch sapuenyeyñ ama't coñe'ta ñeñt yepalltena alloch yocrra añe patsro. ¹² Po'ñoçhpa' po'potantañeçhno ñeñt seserrpare'tatene', ñetpa' enamuenset o'ch sapanet ñeñt alloch correnet. Ñehua, ñeñtpa' e'ñe pocte'. Atto ñetpa' es enamuensetpa' elloña yocoppa'cho'ña e'ñe pocte' o'ch es yenamas yaña.

Tarraña ama't e'ñe pocten o'ch es yenamaseña' po'ñoçhpa' ama't coñe'ta ama es yenamuenso. Chocma ya'huanteñ ñeñt' echarr yenten yocop. Ama't e'ñe pocten o'ch es yenamuenespa' tarraña amaña es yenamuenso tarro'mar ñerra'm ama pocteye' señchepa' yeñoteñ amate' se'mñoto Yompor po'ñoñ ñeñt' atet yeserrpare'tatenes. Yapa' ama yemno o'ch yepatare't cohuen ñoñets alloch Cristopa' a'queshpaterres. ¹³ Elloña sapa' señoñeñ ñeñt' torretsa Parets pa'paclopa' e'ñe allara Parets pa'paclopa' chocmach entenet puerrar. Ñaña añ cornesha' ñeñt' muetsene' huaquesh amapa' carrnero Yomporecoppa' ñetpa'cho'ña e'ñe allotpa' rrenet ñeñt' amtsaret Yomporecop. ¹⁴ Attecma ñaña Yepartsesharpa' nan po'ñoñ. Ñeñtpa' atet ot: Ñeñt' serrpare'tene' cohuen ñoñets alloch sequeshpapa' e'ñe pocte' pueserrpare'teñoñ ñeñt' e'mñotene'pa' pocte' o'ch apueñet ñeñt' palltena alloch corra. ¹⁵ Ñehua, ama't e'ñe pocten o'ch sapuennoñ ñeñt' nepalltenapa' tarraña napa' ama't ahua'tapa' ama es notase'te o'ch es sapuen. Ama't te'pa' ama ñeñtecpaye' nequellquënnaso atet. Tarro'mar ama nemno o'ch huañ atto neserrpare'tatenes e'ñe atta. E'ñechña noçsheñesha' neserrpare'tatenes e'ñe atta. Ñerra'm o'ch huañ atto neserrpare'tatenes e'ñe attapa' añate' pocte' nenten o'ch nerroma. Tarro'mar napa' ama nemno ama't eseshapa' o'ch puerratamñsenña ñeñt' allo e'ñe noçshena.

¹⁶ Ñaña e'ñe neserrpare'teñoñ cohuen ñoñets napa' amate' errotenoñ e'ñe atta nommo'cho, tarro'mar napa' e'ñe atet eyechareten.

Ñerra'm ama atet neřopa' napa' nanacte' llequēntso'tsenen. ¹⁷ Ñerra'm e'ñe na nemneññořa neserrpare'teneñpa' ñehua, poctēñ o'ch tsa'tenna Yompor attoch coshaterren. Tarraña ñerra'm atet otenen Yomporpa' ñeñtpa' ama nañeña nemneññořeye' neserrpare'teno. Po'ñoçhpa' allsensareten ñeñto'marña neserrpare'taterña acheñenesha'. ¹⁸ Ñeñt ellonet apuenen Yompor ñeñtcha' atarr nocshate' na, ñeñtpa' attot neserrpare'tatenes cohuen ñoñets e'ñe atta. Ama't e'ñe poctēñ o'ch setsa'tnapa' tarraña napa' ama nemnoña atet.

¹⁹ Ñaña ama't ama eñalle puesheñarr ñeñtcha' neyechayapa' po'ñoçhpa' añña nanac netorratenaya allohuen acheñenesha' tarro'mar na atet muenets. Ñaña tarro'mar netorrēna ñoçpuet attoch name'ñacha shonte' acheñenesha'.

²⁰ Ñaña allempo allo'tsenen parro epan namo'tsesha' judionesha'pa' napa' o'ch nepena atet yeçhenet ñet. Allochñapa' ñetpa' o'ch e'mñnoterrnet; e'ñe pue'mñnoteñořetpa' ñato'rraña o'ch name'ñatera namo'tsesha' judionesha'. Ñerra'm esempo allo'tsenen parro epan ñeñt cotene' Moisés po'ñoñ ñeñt atet anaretpa' napa' ama'tcha' ama nocteno ñeñt atet coťape'chenet ñetpa' tarraña napa' amach nachmāre'taneto ñeñt atet penet ñet, allochñapa' ñato' attotpa' o'ch name'ñatanet ñamet. ²¹ Ñaña ñerra'm allempo allo'tsenen parro epan ñeñt ama coťape'chenaye ñoñets ñeñt atet anareť Partsocop, napa'çho'ña o'ch nepena atet ñerra'mrrate' ama nocteno ñoñets ñeñt atet anareť Partsocop. Ñehua,

po'ñoçhpa' nocteneñña ñeññ ñoñets ñeññ atet anaret Partsocop tarro'mar añcha'ña e'ñe nocten Cristo po'ñoñ. Atetcha' nepeñña ñeññ ama es cotape'chetso Partsocop allochñapa' attotcha' name'ñaterranet ñamet Cristo ama't ñeññ ama es cotape'cheno Partsocop ama't mamesha.

²² Ñaña ñerra'm esempo allo'tsenen parro epan ñeññ ama huomenc penaye pueyoçher Yomporecoppa' napa'cho'ña o'ch nepena atet ñerra'mrrate' ama huomencayaye ñaña neyoçher Yomporecop, allochñapa' attoch noctape'chach cohuen ñeññ ama huomenc penaye pueyoçher Yomporecop. Ñaña ama't erra'tsena acheñ errotencho' cotape'chenpa' napa'cho'ña allempo allo'tsenen parro epan atetcha' nepena ñaña atet pocte' entenet ñet, allochñapa' attoch ama't errotenette' attochña na'queshpatteranetcha' ama't patanta'ttsa.

²³ Atetcha' nepena attoch name'ñatanet ñerra'm esempo neserrpare'tatanet cohuen ñoñets atto Cristopa' ñach ya'queshpatterre'. Attoch napa'cho'ña e'ñe name'ñeñoñ Cristopa' nocshapretanetcha' ñerra'm ame'ñeret ñamet Cristo.

²⁴ Te'pa' o'ch noterrserr po'poñ, ñato' o'ch netma'ntacha atet. Ñehua, po'ñoçh sapa' señoñeñ ñerra'm esempo o'ch eñoçhet esesha'te' nanac matetsapa' shonte'ch acheñ matatsa. Allohuenetpa' mueneñetcha' o'ch meshe'tuet po'poñeçhno acheñ attoch ganet premio. Tarraña ama'tcha' shonte' matatsapa' eñallachña puesheñarr ñeññcha' ganatuaya allohuen

ñeñt̃ parro matačha'tet. Ñeñto'marña te'pa' añ poctetsa o'ch yetorrena yaña e'ñe cohuen Yomporecop attoch yegana ñeñt̃ o'patatenya ña. ²⁵ Ñaña yeñoteñ allohuen ñeñt̃ po'taruas pene' johueñetspa' ñetpa' o'ch p̃ohuanmuet ora ñeñt̃ atet poctetsa attoch echet po'huamenc esheccha' ganet. Ñeñto'marña ñetpa' o'ch quečhp̃a'huet ñeñt̃ ayoram̃psañ yehuamenc. Ñeñtp̃a' añecop atet penet attoch ganet premio atet ñerra'm copa.* Ñehua, ñeñt̃ atet penet ñet attoch ganet copa, ama't ñeñt̃ copapa' ahuañaña, ñeñtep̃ña'p̃a' yapa' o'ch yetorra yaña Yomporecop attoch yegana ñeñt̃ o'patatenya ñeñt̃ ama ahuañaño. ²⁶ Atet pena ñeñt̃ matetsapa' e'ñech pačharr matena. Ñehua, napa'čo'ña e'ñech patrra nema'yočhra Yomporecop. Atet ñaña ñerra'm esempo yečhotna'tena, ñerra'm at̃ta ya'm̃tapechpa' amach errotent̃ yegano. Ñeñtep̃ña'p̃a' napa' amach at̃ta na'm̃tapechatsto ñeñt̃ Yomporecop. ²⁷ Chochña neunat nañeña nechets. E'ñe nach taruasate' nechets Yomporecop. Atetcha' nepa tarro'mar ama't na serrpare'tate' po'psheññechnopa' ñato'rraña ellopa' te't alla ahupore'tarefen nañeña tarro'mar ama netsotoñe ñeñt̃ muenen Yompor.

10

Arrpa' all yerpatanet ñeñt̃ atet p̃atse'tyese't̃ ahuat israelena'tarnesha'

* **9:25** Po'ñočh añpa' oten choyo'mets tarro'mar ñeñt̃ po'premio pete't̃ ahuat.

1 Ñeñto'mar te'pa' masheñneshacha' ñaña nochaneshacha' o'ch noterrser po'poñ. Nemneñ o'ch neñotatas ñeñt atet pe't ahuat yatañneshañ. Allempo chopeñe'chyesete't amaretarero'marpa' añ anmahuete't os ñeñt cohuanñpsatanete't Yompor e'ñe allohuenet. Ñaña Yomporpa' ellopa'tetstatan sa'p attoña orrtatanet toñ allcha' e'ñe cohuen oñmuet patso. Attoña metanuet sa'p ñeñt otenet Sa'p Tsasasen. 2 Ñaña ahuo' na'nmet Moisés ñeñtcha' pa'mñcha'tareter pet. Ñaña e'ñe pame'ñeñotet Moisés allohuenetpa' ahuo't a'natenanet os. Ñato' o'ch netma'ntacha atet, ñetpa' allohuenet apatarettet oñot ñaña osot e'ñe pueyemteñotet Moisés. 3 Ñaña allohuenet Paretspa' apanete't puerrar ñeñt rrete't allohuenet ñeñt mueñanete't entot. 4 Ñaña allohuenetpa' chocmo' apanete't Parets ñeñt orrete't allohuenet. Tarro'mar ahuat allempo potanet oñ e'ñe mapueto't allot orretpa' ñeñtña mapue'pa' toma'ntenana Cristo ñeñt Partso'tets ñaña. Po'ñoçh Cristo ñeñt onahuete't ñaña ñeñtara ñapa' ña co'a'nmahuete't. 5 Ama't Yomporpa' nanaco' a'natanetañe'tpa' tarraña ñapa' amo' pocteye' entane'te atto ñetpa' atpare'tyesete't. Ñeñto'marña ahuo' a'cllatatuanet e'ñe alla amarato. Puesheña'ttso' pocte' ente't Yompor ñeñt e'ñe cohuen co'tape'chyestse't.

6 Ñaña ñeñt atet patse't ñeñt ama pocteyayepa' añ yeçhateney yaña amach yeye'chapretatsto yaña atet. 7 Ñaña amach yeyomporer ye'patsche ñeñt ayeçhcataret ñeñt ma'yochyesete't ñet patanta'tets. Yapa' yeñoteñ añecop atet pete't,

tarro'mar atet anuaret Yompor po'ñoñ, ñeñtpa' atet oten: "Acheñenesha'pa' o' anorrcha'tet, o'ña anorrcha'tuetpa' o' rrallme'chapretet. Allotpa' orryeset ñaña. Allempoña o' rrallme'chapretuetpa' o' tantrra'terret o'cho' alla coshame'tamperret pueyeçhcatar." ⁸ Ñaña ama pocteyaye o'ch yecañoresha'ten atet petet ñet patanta'tets. Ñeñto'marña shonte' acheñenesha' colla'huatsa allempo, e'ñe vientitrés mil acheñenesha' rromats e'ñe pamtarrocma. ⁹ Ñaña ama pocteyaye e'ñe potomñapa' o'ch ya'llocchame'ch Yompor. Ñeñt atet pet' patanta'tets acheñenesha'pa' ñeñto'maro'ña shonte' acheñenesha' ñeñt achanatyeshcheppa' e'ñe colla'huet. ¹⁰ Ñaña ama pocteyaye o'ch yetanmare'cha Yompor. Ñeñt atet pet' ñaña patanta'tets acheñenesha'pa' ñeñto'maro'ña amñaretet ñeñt amtsañpa' o' a'cllatuanet.

¹¹ Tarro'mar ñetpa' atet huapyesanete't pa'namen allochña yapa'cho'ña o'ch yeñoch yaña ama pocteyaye o'ch atet yeña yaña. Ñeñto'marña ama't ahuatpa' atet quellquet atet petet allempo, ñeñtpa' e'ñe yocpa'naña ñeñtey te'pa'cho'ña huaponayach allempoch mellapoterra. Añpa' ñeñt atet yeçhateney yaña amach yeapatsto atet petet ñet. ¹² Ñeñto'marña te'pa' o'ch notas, e'ñech señoa. Amach sotapsa'tatsto, napa' amach nepo ñeñt atet petet ahuať. Tarro'mar ñerra'm esempo yot atetpa' ñato'rraña machayota alla atet yeperra yaña ñeñt ama pocteyaye. ¹³ Tarro'mar allohueneypa'

čhocmach huaponaya topateñets, ñeñtara topateñets ñeñt yečhenoya allohueney ñeñtey arromñatey. Tarraña Yomporpa' čhocmach yeyomcha tarro'mar ñapa' ama muenatenye o'ch topatey attoch metanonay yehuamenc. Tarraña ñerra'm esempoch čhaponaya topateñetspa' ñapa' čhocmach orrtatonay attoch ya'huante' attoch amach metanonaye yehuamenc.

¹⁴ Ñeñto'marña masheñneshacha' ñaña nočhaneshacha' notenes, e'ñe pocte' o'ch sa'ypo'ña'huerr ñeñt ayečhcataretečhno ñeñt po'yomporer penet ñet. ¹⁵ Sapa' seño tueñ ñeñt cohuentetsa Yomporecop.

Ñeñto'marña o'ch notas, ¿ama't pocte' senteñe ñeñt o' notuas?

¹⁶ Ñeñto'marña allempo yorreññañ ñeñt toma'ntenaya Cristo po'rras ñeñt atet anaret Yomporecoppa', čhoch ñanom yema'yochañpesya attoch yeparasyoso'ch Yompor. Allempo yorreñ allohueneypa' e'ñech yeyemteñoť

Cristo ñeñt rromats yocop po'ñočpa' o'ch yeparrocmatua allohueney ama't ñaña Cristo.

Ñaña attecmach yepena ñerra'm esempo yerren pan ñeñt toma'ntenaya Cristo po'chets. Allempo yeshota'ten pan, o'ch yerreñ parro allohueneypa' e'ñech yeyemteñoť Cristo ñeñt a'rroye' po'chets yocop po'ñočh allempopa' e'ñe yeparrocmatuen allohueney ama't ñaña Cristo.

¹⁷ Ñaña ama'tcha' shonteypa' e'ñech paťrra pan yeshota't ñeñtcha' yerra'yes ama't allohueney. Ñeñto'marña yeñoteñ ama't shonteypa' e'ñe yeparrocmateñoť Cristopa' e'ñe paťrra enteney allohueney, ñaña ñeñtara e'ñech po'chets peney.

18 Ñehua, o'ch yoctape'ch ñaña ñeñt atet pe't israelena'tarnesha'. Ñetpa' o'ch muetset huaquesh amapa' carrnero Yomporecop. Allotñapa' o'ch rrenet ñeñt puecha'yetsa. Allempo rreñetpa' po'ñoçh e'ñech pueyemteño'tet Yomporpa' o'ch parrocmatet epuet Parets. 19-20 Ñehua, po'ñoçhpa' ama notenso ñerra'm esempo serren po'chets ñeñt amsaret ayeçhcataretécoppa' o'ch separrocmat epas, tarro'mar ama't toma'ntateñetañ Paretspa' ama Partsoyaye. Añña notenes ñerra'm esempo ñeñt ama ame'ñenayo Cristopa' o'ch es muetset ayeçhcataretécop, tarraña po'ñoçhpa' añecpa muetseñet oneñetécop, ama añecpaye' muetseñeto Yomporecop. Ñeñto'marña napa' notenes ñato' amach serratsche tarro'mar ama nemno e'ñe serreño'tpa' te't separrocmaten epas oneñet. 21 Po'ñoçhpa' amate' erro'teno't yeparrocmatoña epay Yepartseshar Cristo ñerra'm cha yeparrocmaten epay oneñet. Ñeñto'marña notenes amate' erro'teno't e'ñe yeyemteño't Cristopa' o'ch yorr ñeñt ñocop, ñaña ñerra'm aña yetsoten ñeñt oneñetécop. Ñaña amate' erro'teno yerroña parro ñeñt anaret Yepartsesharecop, ñaña ñerra'm aña yetsoten ñeñt oneñetécop. 22 Ñerra'm atet ye'papa' çhate' ya'llocchame'ch Yompor ñaña e'ñe puempa'teño'teypa' çhate' ya'tsrre'mach. Çhate' yotta ñerra'm yapa' nanac ahuamencatey, ñaña'pa' amate' ahuamencateye' yenteñe.

Atto ama't e'ñe poçteñ o'ch es ye'pa'yeseña'p tarraña amach ye'patsto

23 Ñeñto'mar te'pa' o'ch alla noterrser, e'ñe pocten o'ch yerreneñ po'chets ñeñt amsaref ayečcatarefecop, tarro'mar Yompor po'ñoñpa' ama otenñe amach yeřatsto atef. Tarraña ama't eñalleñ pa'namen ñeñt e'ñe pocten o'ch yeřapa' tarraña ñerra'm ñeñtpa' ama añecpayaye alloch huomenc yeřa' yeyoher Yomporecoppa' ñehua, ñeñteřña' amach atef yeřatsto. Ama't eñalleñ pa'namen ñeñt e'ñe pocten o'ch yeřapa' tarraña ñerra'm ñeñtpa' ama añecpayaye alloch yeyenpue' po'psheñeñ attoch huomenc pan pueyoher Yomporecoppa' ñehua, ñeñteřña' amach atef yeřatsto. 24 Añcha'ña o'ch yepena attoch yeyenpue' yamo'ts attoch o'ch huomenc pet pueyoher. Amachña aña yellcatsto ñeñt e'ñe yocpa.

25 Ñaña o'ch notas ñeñtcha' atef seřa: Ñerra'm esempo seta allecma vendenet po'chetspa' amach sa'řto'tatsche ñeñt vendets, amach sotatsche atef: "Añ po'chetspa' ¿añe't ñeñt amsaref ayečcatarefecop?" Amach sa'řto'tatsto allochñapa' esheccha' serre' e'ñe cohuen. 26 E'ñe pocte' o'ch yerren ama't erra'tsente' po'chets tarro'mar allohuen es yentyen arr patsro ñeñtpa' Yomporo pueyečcatuar. Ñaña ama't ora patspa' e'ñe ñocma.

27 Te'pa' o'ch notas po'poñ ñeñtcha' atef seřa. Ñerra'm esempo ñeñt ama ame'ñenaye Cristopa' o'ch hua'ñas o'ch serrallme'chapreña' ñaña ñerra'm sapa' sesechapa', e'ñe pocte' o'ch ahues ñaña o'ch serra' ama't erra'tsencha' po'chets apaset. Po'tomña amach sotatsto atef: "Ta', ¿pocte'te' o'ch yerren añ po'chets?"

Ñato' ñeñtara añ po'chets ñeñt'e' amsaret' ayeçhcataretecop.”²⁸⁻²⁹ Tarraña o'ch notas po'poñonef: Ñerra'm allo'tsen puesheñarr ñeñt' ama pocteye' entenaye o'ch yerren po'chets ñeñt' amsaret' ayeçhcataretecoppa' ñerra'm ñapa' o'ch otas: “Añ po'chetspa' ñeñt' amsaret' ayeçhcataretecop”, ñehua, allempopa' añ pocte' amach serratsche. Amach yerratsche tarro'mar añ pocte' amach yeḡatsto ñeñt' ama pocteye' enteno po'psheñeñ, ñato' ama't yapa' e'ñe pocte' yenteñeñ o'ch yerre'.

Ñehua, ñato' sapa' o'ch sot: “Ta', ¿eso'marte' pocte' yapa' o'ch yeḡa ñeñt' atef pocte' enten po'psheñeñ? ¿Eso'marte'ña ama pocteyaye o'ch yeḡa ñeñt' atef pocte' yenten ya?”³⁰ Ñaña ñato' o'ch sot atef: “Ñerra'm po'ñoçh neparasyoso'teñoḡpa' nerren nerrarpa' ¿eso'marte'ña otenet ama pocteyaye o'ch nerra' ñeñt' o' neparasyoso'tamḡpesua?”³¹ Ñeñto'mar te'pa' o'ch notas: Ama't erra'tsena es yeḡa'yenpa' añ pocte' o'ch yorrtena e'ñe cohuen, attoch acheñenesha' o'ch aye'choçhtateññañet ñamet Yompor. Ama't allempo es yerra'yen, ñaña ama't allempo es yorryenpa' añ pocte' o'ch yorrdaten e'ñe cohuen Yomporcop.³² Añ pocte' amach yeḡatsto ñeñt' ama pocteye' enteno judionesha'. Ñaña añ pocte' amach yeḡatsto ñeñt' ama pocteye' enteno ñeñt' ama judioneshayaye. Ñaña amach yeḡatsto ñeñt' ama pocteye' enteno allohuen acheñenesha' ñeñt' ame'ñenaya Yompor. Tarro'mar ñerra'm atef yeḡa ñeñt' ama pocteye' entenetopa'

čhate' ya'psatatterranet Yompor. ³³ Ñeñto'marña napa' ama't erra'tsena neḡa'yenpa' añña nemneñ o'ch nocshach allohuen acheñ ñeñt atet pocte' entenet ñet. Tarro'mar napa' ama ne'nen ñeñt e'ñe nocpa, añña ne'nen ñeñt sherbets allohuen acheñeshacop. Tarro'marña napa' chocma ne'nen atet, allochñapa' attoch na'quesḡaterranet.

11

¹ Ñeñto'marña napa' notenes: Atet sentenen ñeñt atet nepena napa' ñeñtḡpa' e'ñe pocte' ñeñtcha' atet seḡa samña, tarro'mar napa' añ nepena ñeñt atet pena ñaña Cristo.

Ñeñt poctetsa ñeñtcha' atet ḡa coyaneshachno allempo yapčhena Parets pa'paclo

² Te'pa' o'ch masheñeshacha' ñaña nočhaneshacha' notas po'poñ. Napa' e'ñe pocte' nentenes atto sapa' ama sepseno ñeñt atet neyčhatuanmas ñeñtcha' atet seḡa, ñaña atto chocma seyerpuenna. ³ Te'ña añmapa' ñeñt nemneñ o'ch señoč samña, atto ya allohueney ñeñtḡey asheñorreypa' añ pomnaren yepene' Cristo. Añña coyanesha'pa' añ pomnaren penahuet puerrollar. Cristoñapa' añ pomnaren pene' Pompor. ⁴ Ñeñto'marña yoten ama pocteyaye ya ñeñtḡey asheñorreypa' o'ch yeca'mataño'ta allempo yema'yochena, amapa' allempo ya'poteññañ Yompor po'ñoñ. Tarro'mar ñerra'm esempo yeca'mataño'tenapa' čhach yottena ñerra'mrate' po'psheñña acheñ pomnaren yepene', amach aḡeye' pomnaren yepenaye

Cristo. Atteñapa' o'ch čha yepencna'ntach
 Cristo ñeññ po'ñočh pomnaren yepene'. ⁵ Yapa'
 añña yoten coyanesha'pa' e'ñe pocte' o'ch
 ca'matamño'ta ñerra'm esempo ma'yochena,
 amapa' ñerra'm allempo a'poťenan Yompor
 po'ñoñ. Tarro'mar ñerra'm ama ca'matamño'topa'
 čhach ottena ñerra'mrrate' ama puerrollareye'
 pomnaren penaye. Ñeñto'marña yapa' atarrcha'
 pencna'ntateneý poñ tarro'mar ama čhoýe'
 ca'matamño'teno. Ñerra'm ama ca'matamño'topa'
 añ poctetsa penquëpa' tarro'mar čha ottena
 atette'ña ñerra'm ashopena'tareť. ⁶ Atteña ñerra'm
 coyanesha' ama mueno o'ch ca'matamño'tapa'
 ñehua, ama'tpa' shopena'tatepa'. Attochña
 ñerra'm o'ch čha pencana atto shopena'tenapa'
 ñehua, ama'tpa' ca'matamño'tepa'. Ñaña ñerra'm
 puetsorrmo'tateñoťpa' o'ch pencapa' ñehua,
 ama'tpa' ca'matamño'tepa' ñaña. ⁷ Yocopña
 ama pocteyaye ñeñteý asheñorreypa' o'ch
 yeca'matamño'ta, allempo yeserrpare'ten
 Yompor pa'paclo tarro'mar ya Yomporpa'
 puetma'ntatarey ña, ñaña yapa' čhocma
 po'cohuenña peney. Tarraña coyanesha'pa'
 añ po'cohuenña pene' puerrollar. ⁸ Ñehua,
 tarro'mar ahuať Yomporpa' asheñorroť yečcatan
 coyanesha'. Asheñorrpa' ama coyaneshoteye'
 yečcache. ⁹ Ñaña yeñoteñ asheñorrpa' ama
 añecpaye' yečcache coyanesnacop. Añecopña
 yečcatan coyanesha' attoch o'ch yenpa'y ya
 ñeñteý asheñorrey. ¹⁰ Ñeñto'marña añ pocte'
 coyanesha'pa' o'ch ca'matamño'tena attoch ama't
 Yompor po'millañoťeññanesharpa' o'ch eñochet añ

po'ñoçh pomnaren pene' puerrollar. ¹¹ Tarraña e'ñe yame'ñeñoñ Yepartsesharpa' añ pocte' ya ñeñfey asheñorreypa' o'ch yeyenpueñ yamña coyanesha'. Coyanesha'pa'çho'ña pocte' o'ch yenpueney ya ñeñfey asheñorrey. ¹² Ñeñto'marña yeñoteñ ahuat Yomporpa' asheñorroñ yeçhcatan coyanesha'. Ñaña e'ñe allempoteñ ama't ya ñeñfey asheñorreypa' ahuo't eñalletateney coyanesha'. Tarraña po'ñoçhpa' yeñoteñ ñeñtpa' e'ñe Yomporeshotecma huena.

¹³ Ñehua, o'ch na'pto'tas: Ñeñt atet seyçhena sa ¿ama't pocteye' senteñeña coyanesha'pa' o'ch ma'yochenana Yompor ñerra'm ama ca'matamño'teno? ¹⁴ Ñeñt atet yeyçhena yapa' ñeñtpa' añ yeñotatene' ñerra'm ya ñeñfey asheñorreypa' esempo atesha'ta yechpa' o'ch pencateney. ¹⁵ Tarraña ñerra'm coyanesha'ña atesha'tatsa pue'chpa' e'ñech cohuen entapreteñ allohuen acheñenesha'. Ñaña ñerra'm ateshet pue'chpa' ñeñtpa' alloch ca'matamño'tenet, tarro'mar ñetpa' atet yeçhcatanet Yompor. ¹⁶ Ñehua, ñerra'm eseshas ama pocteye' entaye ñeñt atet o' notuaspas' ñehua, pocte' o'ch alla noterrser; tarro'mar ñeñt atet o' notuaspas' ñeñtpa' atetcha' sepa tarro'mar ama eñalle po'poñ ñeñt pocte' yenten. Ama't ñaña allohuen ñeñt pame'ñeñoñet Yompor ñeñt apcha'yetsapa' ñetpa'çho'ña pocte' enteñet ñeñt atet o' notuas.

Añpa' ñeñt ama aþapahuo allempo yorren ñeñt toma'ntenaya Cristo po'rras

17-18 Te'pa' o'ch notas po'poñ ñeñtcha' atet sepa allem pocma sapchena. Tarraña ñanompa' o'ch notas, ama pocteye' nentenso ñeñt atet sepena te' allem pocma sapchena. Tarro'mar ñeñt atet sepenapa' ama añecpayaye attoch seyenpannena e'ñe cohuen, elloña ñeñt'pa' cha epatenes. Tarro'mar napa' o' ne'mare'tas ñeñt atet sepena. Ñerra'm esempo sapchena e'ñe same'ñeño'tpa' amo'ch patrraye' soctape'cheno. Elloña sapa' atto'ch nanac es sotnare'tannena. Ñeñto'marña napa' noten ñato' po'ño'chte' atet sepena. ¹⁹ Po'ño'ch ñeñtey ame'ñetsapa' chocmach eñall ñeñtcha' ama pa'charroye' ame'ñatso, ñeñto'marña ya allem popa' o'ch yeño'ch ñeñt e'ñe pa'charr cotape'chets, ñaña o'ch yeño'ch ñeñtcha' ama pa'charroye' cotape'chatso. ²⁰ Ñaña ñerra'm esempo sapchenapa' e'ñe seyerpueño't Yepartsesharpa' ahuo'ch serrallme'chen, tarraña po'ño'ch'pa' ama Yepartsesharecpaye' serrallme'cheno. ²¹ Tarro'mar puesheña'tets e'ñe pa'chporrño'tetpa' ahuo'ch'cho' rrenet ñanmacma, amo'chña parrocmaye' serrallme'cheno. Ñeñto'marña ñato' puesheña'tetspa' ahuo'ch atta nanac cheporrena, ñato' po'psheñeñña'pa' ahuo'ch cha posa'tyes. ²² Ñeñt atet sepenapa' ama pocteyaye tarro'mar sapa' sechenca'yeña sepaquell allcha' serren ñaña allcha' es sorryen. Eso'mare'tña amaña am'cha'na'tpahuoye' senteññañeña Yompor pa'paquell. Allña'pa' o'ch atta sepen cateñ ñaña ñeñt ama es echetso. Te'ña po'ño'ch napa' o'ch notas, amaca'ye

nocshapretensoña sa ñeñt atet sepena.

Atet ña Jesús allempo ñanom toma'ntatana po'rras orrpapo'

(Mt. 26.26-29; Mr. 14.22-25; Lc. 22.14-20)

²³ Añmapa' ñeñña atet yechatnerrey Yepartseshar ñeñtcha' attoch yeyerpueña. Ñeñfara ñoñets sapa' o' neñotatuas ahuañacma. Ñeñtpa' atet oten: Ñeñte tsaprocma allempo Judaspa' pomuerran Yepartseshar Jesús, ñañapa' chetan pan. Chetan panpa' ²⁴ parasyoso'tamñes alloñtapa' shota'chpa' atet otanet: "Añmapa' ñeñt toma'ntenaya nechets ñeñtcha' atserrparetterra socop. Añmapa' ñeñtcha' atet seña. Ñerra'm esempo serren pan atetpa' eñech seyerpueñoñen napa' o'ch serre'." ²⁵ Allempoña o' rrohetpa' attecma ña o' chetan ñaña orramets allocma orrete'tpa' atet otanet: "Añ ñeñtcha' sorrpa' ñeñt toma'ntenaya nerras ñeñtcha' etserra anaret allochñapa' attoch apretña'huaretterra so'chñar. Añmapa' ñeñtcha' atet seña: Ñerra'm esempoch sorren ñeñt toma'ntenaya nerraspa' eñech seyerpueñoñen napa' sorreñcha'." Añpa' allohua ñeñt atet otnerrey Yepartseshar. ²⁶ Ñeñto'marña te'pa' ñerra'm esempo yerren añ pan, ñaña yorren añ orrpapo'pa' chocmach yeñotach acheñenesha' atto rroma Yepartseshar yocop. Ñeñtpa' eñech tayoteñ atet yeña tarrempohuach esempohuañencha' huerra.

Añpa' ñeñtcha' atet yeña allempo yorren ñeñt toma'ntenaya Cristo po'rras

27 Tarraña ñerra'm yapa' ama yeyerpueñoŕeye' e'ñe ña yerreno pan, ñaña o'ch yorr ñeñt toma'ntatana Yepartseshar po'rraspa' yapa' čhate' yeyora yo'chñar e'ñe ya'llocchame'teñoŕ Yepartseshar po'chets ñaña po'rras. 28 Ñeño'marña te'pa' o'ch notas, amach sorreña'pa' o'ch soctape'ch ñanom, o'ch señoŕa sañeña ñeñt atet o' seŕpohua. 29 Tarraña ñerra'm atta ama es yepčheno rre', ama yocŕape'cho ñanom ñeñt toma'ntatana Yepartseshar po'chetspa' ñerra'm atta yerre' ñaña atta yorrrpa' e'ñe yerreñoŕ ñaña yorreñoŕpa' atsa'tatareŕeycha'. 30 Ñeño'marña seshopa' shonte' acheñenesha' ñeñt ama a'ñshe'mtetso, ñaña po'potantañpa' čha atsna'tyeset, po'potantaññapa' o' rromayeset. 31 Tarraña ñerra'm čho ñanom yocŕape'ch e'ñe cohuen, o'ch yeñoŕa yañeña ñanompa' allempoña po'ñočhpa' amach atsa'tatareŕeye. 32 Tarraña ñeñtcha' atet tsa'tatya te' Yomporpa' ñeñtpa' añecop attoch coŕape'chaterrey e'ñe cohuen attoch esempohuañenpa' amach a'coñchatareŕeye epay ñeñt ama ame'ñetso arr patsro.

33 Ñeño'marña masheñeshacha' ñaña nočhaneshacha' te'pa' o'ch noterrserre: Ñerra'm esempo sapčha allohuenes o'ch serra' ñeñt anareŕ Yepartsesharecoppa' añ pocte' čhoch ñanom secuanna'ta attoch o'ch serreñ e'ñe parrocmá. 34 Tarraña ñerra'm eseshas cheporratsapa' e'ñe pocte' o'ch serrerra' sepacllo. Tarro'mar ama pocteyaye e'ñe sapčheñoŕpa' o'ch secoñchatanna'ta. Ñaña po'poñečno ñeñt palltetsapa' allach neserrpare'tatoses ñerra'm esempoch nečhap

sesho.

12

Atto Parets Puecamquëñpa' apa'yeney po'poñe'ttsocma attoch yetorra'yesa Yomporecop

¹ Te'pa' masheñneshacha' ñaña nochaneshacha' o'ch yeserrpare't ñaña atto Parets Puecamquëñpa' ñach ahua mencat yepa'yese' attoch yetorra'yesa po'poñe'ttsocma Yomporecop. Tarro'mar napa' nemneñ o'ch señoch ñeñt e'ñe atet pennay Parets Puecamquëñ.

² Ama't sapa' señoteñ ahuañmo'cha allempo ama same'ñerra'pa' atta sema'yochatse'tyese't ayeçhcatareteçhno. Ñaña ayeçhcatareteçhnopa' ama't ama eñorenopa' atta nanac ame'ñatase't, ama't all seta'yese't. ³ Tarraña ñerra'm machaya esesha' eñoratsa, napa' nemneñ çhochña e'ñe señoch ñato' po'ñoçhte' añ eñoratene' Parets Puecamquëñ, ñato' amate'. Ñeñto'marña o'ch neñotatas atet attoch sapa' señoch: Ñerra'm esesha' achmare'tene' Jesús pa' ñeñtña sapa' o'ch señoch ama añeye' eñoratenaye Yompor Puecamquëñ. Tarraña ñerra'm esesha'ña otets: "Jesús pa' ñeñt po'ñoçh Yepartseshar yepen", ñeñtña po'ñoçhpa' o'ch señoch añ eñoratene' Parets Puecamquëñ.

⁴ Ñaña Yomporpa' ama't e'ñe patrra Puecamquëñpa' tarraña ñapa' o'ch ahua mencat pa'yese'y attoch yetorra'yesa e'ñe po'poñe'ttsocma Yomporecop. ⁵ Ama'tcha' po'poñe'ttsocma yetorra'yesañpa' tarraña ñeñtarach paterr Yepartseshar yesherba'huen allohueney. ⁶ Ñaña ama't eñalleñ po'poñe'ttsocma atto ahua mencat

p̄ohueney allohueney tarraña eñe patrra
 Yompor ñeñt̄ ahuamencat yepene' allohueney.
 7 Ñaña allohueney Parets Puecamquẽña'
 ahuo't apa'yeseý attoch yorrtatyesoñ Yompor
 po'huamenc. Ñeñtpa' añecop apareteý attoch
 yeyenpanna'ta alloch huomenc yeþa'yes
 yeyoçher Yomporecop. 8 Ateť ñerra'm ñato'
 puesheñarr Parets Puecamquẽñoťpa' o'ch
 aþ attoch eñe eñotan ñeñt̄ cohuentetsa
 Yomporecop, attoch ñapa' o'ch cotape'chatan
 pamo'tsesha'. Ñato' po'psheñeñ añ Parets
 Puecamquẽña' o'ch nanac çhapatoñ pueyoçhro
 ñeñt̄ cohuentetsa Yomporecop, attoch ñapa'çho'ña
 o'ch yenpan pamo'tsesha'. Tarraña ñeñt̄ara
 Parets Puecamquẽñ ñeñt̄ña eñotatenahuet. 9 Ñato'
 po'psheñeñpa' nanaccha' yemtenana Yompor.
 Ñeñt̄ara Parets Puecamquẽña' o'ch aþ attoch
 yemcha nanac. Ñato' po'psheñeñpa' o'ch aþ
 po'huamenc attoch a'crratyesan atsnañeťeçhno.
 Tarraña ñeñt̄ara Parets Puecamquẽñ ñeñt̄ña
 apuene' attoch a'crratyese. 10 Ñato' po'psheñeñpa'
 o'ch aþ attoch orrtatyesan Yompor po'partsoña.
 Ñato' po'psheñeñpa' nanaccha' cohuen a'potan
 Yompor po'ñoñ. Ñato' po'psheñeñpa' o'ch eñotyese
 pa'namen cotapñats, attoch ñapa' o'ch eñoch
 erroťte' huena ñeñt̄ cotapñats, ñato' Parets
 Puecamquẽñoť amapa' oneñeťate' poçtapña.
 Ñato' po'psheñeñpa' Parets Puecamquẽñcha'
 eñotatene' eñosyeseťs po'poñ ñoñtso. Amapa' ñato'
 po'psheñeñpa' o'ch a'mtan ñoñets ateť eñenet
 po'poñ ñoñtso. 11 Tarraña allohueneýpa' eñe

patrra Parets Puecamquëñ ñeñtcha' yeñotatene' ñeñtara ñeñtcha' yapa'yese' puesheña'ttsoy erra'tsencha' muena' ña attoch yetorra'yesa pa'namen ñocop.

Ama't e'ñe po'poñe'ttsocma yetorra'yena Yomporecoppa' tarraña ñapa' e'ñe attecma cohuen enteney

¹² Ñato' o'ch netma'ntacha ñeñt atet yeçquëna yechets. Ñehua, allemeñ yechetspa' ama'tcha' ellopa'tetstenañpa' tarraña allohuenpa' e'ñe patrra yechtsof. Attecma yepena yaña allohueney ñeñtey ame'ña'yenaya Cristo. Ama't shonteyeñ po'poñe'ttsocmaypa' tarraña e'ñe yame'ñeñof Cristopa' o'ch yeparrocmatuahua allohueney. ¹³ Tarro'mar allempo o' yapatarefetuapa' Parets Puecamquëñpa' o'ch parrocmatuerrey allohueney. Ama't ñaña po'poñe'ttsocmay acheñey atet ñerra'm patanta'ttsoypa' judioneshay, ñato' po'potantañpa' amach judioneshayaye. Tarraña allohueney e'ñe puechorreñofey Parets Puecamquëñpa' e'ñe allempoteñpa' o'ch yeparrocmatua allohueney. Ama't ñaña acheñ ñeñt ataruasataret e'ñe atta ñeñt ama esoye' enteñeto ñaña acheñ ñeñt e'ñe cohueno'tsen. Tarraña e'ñe puechorreñofey Parets Puecamquëñ ñeñt e'ñe patrrapa' e'ñe allempoteñpa' o'ch yeparrocmatua allohueney.

¹⁴ O'ch alla netma'ntatererr ñeñt atet yeçquëna yechets. Ñehua, atet ñerra'm allemeñ yechetspa' ama patrraye' yeçquëtso, shonte'ca'ye yeçquëtso. Tarraña ama't shonte' yeçquënañ yechetspa' e'ñe patrra yechets

ottetsa. Attecma yepena yamã allohueney ñeñfey ame'ña'yenaya Cristo. Ama't shonteyey po'poñe'ttsoctmaypa' tarraña e'ñe yame'ñeñof Cristopa' o'ch yeparrocmatuahua. ¹⁵ Ñehua, o'ch netma'ntatererr po'poñ: Ñato' atet ñerra'm yetacpa' o'ch ot: "Napa' ama es nesherbena atet sherben otats, ñeñto'marña ama pocteye' nenteñe o'ch neparrocmat epan ye'nar." Tarraña ama't atet oteneñ yetacpa' ñeñtpa' ama atteyaye, chocma parrocmaten. ¹⁶ Amapa' ñato' atet ñerra'm yetpa' o'ch ot: "Napa' ama es nesherbena atet sherben quello'yets ñeñto'marña napa' ama pocteye' nenteñe o'ch neparrocmat epan ye'nar." Tarraña ama't atet oteneñ yetpa' ñeñtpa' ama atteyaye, chocma parrocmaten ñaña. ¹⁷ Ñerra'm yechetspa' e'ñe yecloyochayapa' amate' erroteno ye'mueno. Ñaña ñerra'm yechetspa' e'ñe yetochayapa' amate' erroteno es yemosyeno. ¹⁸ Tarraña po'ñoçhpa' ama atteye' yechcatye Yompor. Ñapa' ahuo't ne' attoch yechca'yesa allemeñ yechets ñeñt atet pocte' ent ña. Ñeñto'marña yeñoteñ ama't errotencho' yetorra'yesa Yomporecop puesheña'ttsoypa' ñeñtpa' chocma sherba'yen. ¹⁹ Po'ñoçhpa' ñerra'm yechetspa' ñaña yechcatsa paterr atet ñerra'm e'ñe yecloyochayapa' amate' erroteno orrtoña e'ñe cohuen ora yechets. ²⁰ Tarraña po'ñoçhpa' ama atteye' ayeçhcatareteye. Añña chocma eñalletesya allemeñ yechets. Tarraña ama't ellopa'tetstenañpa' e'ñe patrra yechets ottetsa. Ñeñtpa' attecma yepena yamã allohueney ñeñfey

ame'ña'yenaya Cristo. Ama't po'poñe'ttsoema yetorra'yesa Yomporecoppa' tarraña e'ñe yame'ñeñoñ Cristopa' o'ch yeparrocmatuahua allohueney.

²¹ Ñato' o'ch netma'ntatererr po'poñ: Ateť ñerra'm yecle'pa' ama pocteyaye o'ch otan yot: "Napa' ama nepallteno ñeñť ateť pesherven ãa." Ñaña yoñpa' ama pocteyaye o'ch otan yetac: "Napa' ama nepallteno ñeñť ateť pesherven ãa."

²² Ñeñto'marña ama pocteyaye o'ch yoctape'chyes ateť, tarro'mar ora allohuen yechetspa' e'ñe sherba'huen. Ñato' yapa' chach yotenapañ ñato' erra'tsen yechetspa' amate' es sherbeno. Tarraña ñato' ñeñtara yechetspa' ello metana'tuenan atto sherben po'poñechno yechets. Attecma yepena yaña allohueney ñeñtey ame'ña'yenaya Cristo. Ñato' yapa' chach yotenapañ ñato' erra'tsen acheñpa' amate' es sherbeno. Tarraña ñato' ñeñña acheñpa' ello metana'tuenan atto sherben po'poñechno acheñ.

²³ Ñaña ñerra'm erra'tsen yechets ama tama cohuenaye' yentenopa' ñato' o'ch yehorrataña e'ñe cohuen attoch ellopa' o'ch yorrta nanac cohuen. Ñaña ñato' erra'tsen yechets ñeñť yepencatene'pa' ñato' o'ch ya'nach e'ñe cohuen.

²⁴ Tarraña ñeñť e'ñe cohuen yechetspa' amach yemno o'ch ya'nach, añña chochña yorrtañe. Ateť yechcatonay Yompor yechets attoch ama't ñeñť ama tama cohuenaye' yentenopa' o'ch yañño'teñ e'ñe cohuen attoch ellopa' o'ch orrta nanac cohuen. ²⁵ Allempoña allemeñ yechetspa' o'ch parrocmatet e'ñe cohuen, ñaña allempopa' o'ch

e'ñe cohuen yenpannenet. ²⁶ Ñeñt'o'marña ñerra'm esempo pa'err yechetspa' atserrena allohuen yechetspa'cho' o'ch atsotapretannenet. Ñaña ñerra'm pa'err yechetspa' o'ch orrta e'ñe cohuen allohuen yechetspa'cho' o'ch coshapretannenet. Attecma yepena yaña ñeñtey ame'ña'yenaya Cristo. E'ñe yeparrocmatanna'teñoñ ñerra'm puesheñarr yamo'ts cha llequëna ñeñt' parro yame'ñenapa' allohueney ñeñtey ame'ñetsapa' o'ch yelcapretannena. Amapa' ñerra'm puesheñarrofeypa' nanac yocshenapa' allohueneypa'cho'ña o'ch yocshapretannena.

²⁷ Ñehua, añ yechets ñeñt' o' notuapa' añ toma'ntena ya allohueney ñeñtey o' yame'ñera, Cristopa' o' enterrey atet ñerra'm e'ñe ña po'chtsoy, tarro'mar o' yeparrocmat epay Cristo. Ñaña ama't shonteyeñ e'ñe po'poñe'ttsocmaypa' tarraña e'ñe yeparrocmateño'tpa' o' atet yeperra atet ñerra'm Cristo po'chtsoy. ²⁸ Ñaña allohueney e'ñe yame'ñeñoñ Yomporpa' e'ñe po'poñe'ttsocma yetorra'yena Yomporecop. Tarro'mar Yomporpa' atto na'yesonay pa'namen attoch yetorra'yesa ñocop. Ñanompa' ahuo't nan puesheña'tets allsensaretnesha'. Allo'tpa' ahuo't nan po'poñe'chno ñeñt'cha' a'pote' po'ñoñ. Allo'tpa' ahuo't nan ñaña po'potantañ ñeñt'cha' ye'chatenahuet Yompor po'ñoñ. Allo'tpa' ahuo't nan po'potantañ ñeñt'cha' orrtate' po'partsoña. Allo'tpa' ahuo't nan po'potantañ ñeñt'cha' torratta attoch a'crratyaset ñeñt' atsna'tyets. Po'potantañña' ahuo't ne'

ñeñtcha' torratsa yenpue' allohuen acheñenesha'. Po'potantañña' ahuo't ne' ñeñtcha' yechenahuet allohuenet. Po'potantañña' ahuo't ne' ñeñtcha' eñsyets pa'namen ñoñtso. ²⁹ Po'ñoçhpa' ama allohuenacmaye' allsensareteye. Ñaña ama allohuenacmaye' ya'po'teno Yompor po'ñoñ. Ñaña ama allohuenacmaye' yeychateno. Ñaña ama allohuenacmaye' yorrtateññañe Yompor po'partsoña. ³⁰ Ñaña ama allohuenacmaye' ya'crratyene atснаñe'techno. Ñaña ama allohuenacmaye' yeñosyeno po'poñ ñoñtso. Ñaña ama allohuenacmaye' ya'm'teno ñoñets ñeñt eñets po'poñ ñoñtso. ³¹ Tarraña ama't ama allohuenacma atteyepa' e'ñe pocte' o'ch yeye'chena ñeñtcha' yetorra'yena e'ñe cohuen puesheña'ttsoy Yomporecop. Tarraña ellopa' o'ch neñotatas po'poñ ñeñt nanac sherbets Yomporecop.

13

Eñall paterr ñeñt nanac sherbets, ñeñt'pa' añ: atto amorrentanna'tpahuepa'ch allohueney

¹ Ama't yeñosyesatset e'ñe cohuen pa'namen acheñ po'ñoñetoña' ñerra'm ama yemorreñcho yamo'tspa' e'ñe yeñosyeño'tpa' añña Yomporpa' attach enteney atet ñerra'mrrate' con ñeñt atfa ama'toçhtetsa. Tarro'mar ama yemorrenteño'teye' yeñosyeno pa'namen ñoñets. Nato' ama't yapa' yeñosatsetyes e'ñe cohuen atet ñerra'm Yompor po'm'llañoteñnanesharña' ñerra'mña ama yamo'ts yemorrentenopa' e'ñe yeñosyeño't Yomporpa' attach enteney atet

ñerra'mrrate' patashtalla challachallatspenet. Tarro'mar ama yemorrenteñoŕeye' yeñeno.

² Ñaña ama't yapa' yeñotatset a'ñte' Yompor po'ñoñ, tarraña ñerra'm ama yemorreñocho yamo'ts, atetpa' amach esoye' entenye. Ñaña ama't yeñotatset o'ch ya'poŕa ñeñt' ñapŕa eñoten Yompor tarraña ñerra'm ama yemorreñocho yamo'tspa' ñeñtpa'cho'ña amach esoye' entenye Yompor. Ñaña ama't yeñotatset ora allpon ñeñt' eñall, tarraña ñerra'm ama yemorreñocho yamo'ts, ñeñtpa'cho'ña amach esoye' entenye Yompor. Ñaña ñato' nanac yeyemteñoŕ Yomporpa' aphueney allohuen ñeñt' yenamueñ, ama't ñeñt' echarr yentyen. Ñato' o'ch netma'ntacha atet: Ñato' o'ch yoch Yompor, añ aspenetpa' chenguëpa'. Ñato' e'ñe yeyemteñoŕ Yomporpa' o'chcho' chenca. Tarraña ama't yeyemteñoŕ Yomporpa' o' yeŕohua atet, tarraña ñerra'm ama yemorreñocho yamo'tspa' attecma enteney Yompor, ama esoyayye.

³ Ñaña ama't es yapa'yesatsech huocchañnesha' ora allohuen ñeñt' yechyenña', ñerra'm ama yemorrenteñoŕeye' es yapa'yenanetopa' ama't atet yeŕatstapa' Yomporpa' amach cohuenaye' entenye. Ñaña ama't e'ñe yame'ñeñoŕ pocte' yentatsech pue'moñe'teñoŕetay o'ch chamayet ora betnatoteypa' tarraña ñerra'm ama yemorrenteño yamo'ts, ama't atet yeŕatstapa' Yomporpa' atterach amach cohuenaye' entenye.

⁴ Tarraña ñerra'm esempo po'ñoch cho yemorrenteña yamo'tspa' e'ñech acoŕa es yeŕa'yenanet, attach ya'huantenanet ñaña

čhochña ya'muerañtena. Ñaña amach čha es yeye'chapretyenaneto, ñaña amach čha yommo'čhana'tatstaneto. ⁵ Ñaña amach yañeña entatstatso e'ñe cohueney. Ñaña ñerra'm esempo po'ñoč čho yemorrenteña yamo'tspa' e'ñechña pocte' es yeřa'yenanet, ñaña amach aña ye'natsto ñeñť e'ñe atet yemnen ya. Añcha'ña ye'nen ñeñť atet muenen po'psheñeñ. Ñaña ñerra'm esempo po'ñoč čho yemorrenteña yamo'tspa' amach čha ye'moñe'tyenaneto, ñaña amach čha atsrre'močen yentuenaneto. ⁶ Ñaña ñerra'm esempo es řohua po'psheñeñ ñeñť ama pocteye' enteno Yomporpa' ñerra'm po'ñoč amuerañaypa' yapa' amach čha yocshatsto. Añcha'ña yocshapretena ñerra'm esempo e'ñe cohuenare' es penet. ⁷ Ñerra'm po'ñoč čho yemorrenteña yamo'tspa' ama't čho erroť řonaypa' yapa' čhocmach ya'huantoñ. Ñaña ñerra'm po'ñoč čho yemorrenteña yamo'tspa' čhocmach yeyemcha ñeñť atet pena amapa' ñeñť atet oten. Ñaña ñerra'm po'ñoč čho yemorrenteña yamo'tspa' e'ñe yeyemteñořanet čhocmach yeyenpuenanet attoch huomenc pet pueyočer ñamet Yomporcop. Ñaña ñerra'm po'ñoč čho yemorrenteña yamo'tspa' čhocmach ya'huanta'huanom pa'namen topateñťsočno.

⁸ Atto yemorrentannenapa' ñeñťpa' amach ahuañañaatto ama't errřonaña. Ñaña te'pa' ama't ya'poteññañeñ Yompor po'ñoñ țarraña esempohuañenpa' huañcha' atto ya'poteñ te'. Ñaña ama't atto te'pa' yeñosyen po'poñ ñoñťsopa'

ñeñt̃pa'cho'ña esempohuañenpa' huañcha'. Ñaña ama't atto yeñotañtena te'pa' ñeñt̃pa'cho'ña esempohuañenpa' huañerrcha'. ⁹ Tarro'mar ama't allpon es yeñotyen te'pa' ama e'ñe yeñotueñe poctacma. Ñaña ama't te'pa' ya'poteññañ Yompor po'ñoñ ñeñt̃pa'cho'ña ama e'ñe yeñotueñe poctacma. ¹⁰ Tarraña ñerra'm esempoch huerra Cristo ñeñt̃ e'ñe eñotañtetsa poctacmapa' allempona yapa' o'ch e'ñe es yeñotuahua yaña.

¹¹ Ñehua, ñato' o'ch netma'ntacha atet: Napa' allempo cheshenna'pa' atta neñosatse'tyese't atet eñen cheshatollesha'. Ñaña allempopa' atta noctape'chatse'tyese't atet cotape'chyen cheshanesha'. Ñaña añach cohuen nentapretyese't atet cohuen entyen cheshatollesha'. Tarraña te'pa' o' nepo'npa' o'huañ noctape'chatse'tyes atet pena cheshatollesha'. ¹² Ñaña yapa' ama yeñotueno e'ñe ora atet pena Parets. Ñehua, ñato' o'ch netma'ntatererr atet: Yapa' cha yottena atet ñerra'mrrate' rerpatota yecueñ Yompor, amach tama yechme'teñe. Tarraña esempohuañenpa' yentercha' e'ñe allame'tets. Ñaña te'pa' atto es yeñotyen mamesha'tets, tarraña esempohuañenpa' yeñotuerrcha' ñeñt̃ e'ñe atet pena Parets, e'ñech yeñotañetuerra atet pena te' Yomporpa' e'ñe eñotueney ñeñt̃ atet yepena. ¹³ Ñeñto'mar te'pa' yeñoteñ eñall ma'pa ñeñt̃cha' ama ahuañañañtatso ñeñt̃pa' añ: atto yeyemteña Yompor, ñaña atto yeyemteñoñ yecuame'teñ ñeñt̃ o'patatenya, ñaña atto yemorrentannena. Tarraña añ ma'po'marpa' añña nanac sherbets Yomporecop

atfo yemorrenteña allohuen acheñenesha'.

14

Ama't yeñosatsetyes po'poñ ñoñtsopa' ñeñtpa' ama tama sherbeno

¹ Ñeñto'marña te'pa' añ poctetsa o'ch yema'yochrena atfoch yemorrentanna'ta e'ñe poctacma. Ñaña añ pocte' o'ch yeye'chaprecha Yompor atfoch o'ch apa'yese y e'ñe Puecamquëñoť atfoch yetorra'yesa ñocop. Añña e'ñe pocte' o'ch yeye'chaprecha nanac atfoch apuey o'ch ya'potoñ po'ñoñ e'ñe eñotochen. ² Tarro'mar ñeñť eñets po'poñ ñoñtsopa' añeçpa sherben atfoch eñora epuet Yompor; tarro'mar añña acheñenesha' ñeñť e'mñotenahuetaña' amach esesha' eñotenaye ñeñť atet oten. Ama't añ ye'ñoratatste' Parets Puecamquëñ ñeñť ama eñotpahuo ñoñetsña' ñerra'm acheñenesha'pa' ama eñoteñeto atet yotyenanet, ñeñtpa' e'ñe Yompora ñapueť e'muene'. ³ Tarraña ñerra'm esempo ya'potoñ Yompor po'ñoñ e'ñe eñotochenpa' ñeñtpa' po'ñoč čoch es yeñotatenanet atfoch huomenc penet pueyočer Yomporecop. Ñaña čoch yeñotatanet ñeñť atet oteney Yompor po'ñoñ ñeñťcha' atet yeña e'ñe cohuen. Ñaña čoch yeñotatanet Yompor po'ñoñ atfoch ñetpa' coshenet Yomporecop. ⁴ Tarraña ñeñť eñets po'poñ ñoñtsopa' ñeñtpa' amach atteye' peno. Añeçpach eñen e'ñe ñocpa atfoch huomenc ðan pueyočer e'ñe ñañaña. Tarraña ñerra'm esempoña ya'poteññañ Yompor po'ñoñ e'ñe eñotochenpa' ñeñtpa' čoch po'ñoč

es yeñotateñ allohuen ñeñt̃ ame'ñetsa attoch huomenc penet pueyoçher Yomporecop.

⁵ Ñehua, po'ñoçpa' pocte' nenteñ o'ch seños po'poñ ñoñtso allohuenes, țarraña ñeñt̃ nanac nemnen o'ch señospa' ñeñt̃pa' añ: o'ch sa'potoñ Yomporecop po'ñoñ e'ñe eñotoçhen ñeñt̃ allo yeñen. Tarro'mar ñerra'm esempo ya'potoñ Yomporecop po'ñoñ e'ñe eñotoçhenpa' nanaccha' yesherven Yomporecop. Tarraña ñerra'm esempoña yeñen po'poñ ñoñtso'pa' amach tama yesherbena. Ñehua, pocte' enteñ Yomporecop ñerra'm po'ñoç eñall puesheñarr ñeñt̃ a'mtene' ñoñets e'ñe ya yeñoño, attoch allohueney ñeñt̃ey ame'ñetsapa' o'ch çhaponaya Yomporecop po'ñoñ yeyoçhro attoch huomenc yeça' yeyoçher. ⁶ O'ch notas masheñeshacha' ñaña noçhaneshacha' ama't napa' ñerra'm machayoța neçhap seshopa' ñerra'm nañapa' aña neserrpare'tatoses po'poñ ñoñtso ñeñt̃ ama yeñenopa' errotenotuate'ñaca'yeña señoç țarro'mar amaca'ye se'muenoña ñeñt̃ ñoñtso ñeñt̃ atet notenes attoch e'ñe cohuen neyenpas. Tarraña aña pocte' socop napa' çhocmach na'pothonas e'ñe eñotoçhen ama't coñeña'ttsa ñeñt̃ atet eñotatenen Yomporecop. Ñaña napa' elloña çhochña es neñotatyesas po'poñ ñeñt̃ ama señoteno sa. Ñaña napa' çhochña na'pothonas mamesha'tets Yomporecop po'ñoñ, ñaña çhochña es neyçhatas ñeñt̃ cohuentetsa.

⁷ Ñato' o'ch netma'ntacha ñeñt̃ atet pena pencoll, ama't pencollpa' ama acheñeyaye. Atet ñerra'm napa' esempo nepenclla'teña' ñerra'm ama cohuenaye' na'poçhe'teno nepencollpa' amach

essha' eñotaye errotente' neḗchateñ. Amapa' atet ñerra'm napa' esempo netoca' yetarra,* ñerra' ama atteye' netoco atet toquëñetpa' amach essha' eñotaye errotente' neḗchateñ. ⁸ Ñehua, ñato' o'ch netma'ntatererr po'poñ. Atet ñerra'm esempo o'ch ahuanmuet quellaratsapa' ḗoch ñanom puesheñarr solltarpa' o'ch corrneta't quellareñtsoreḗcho, attoch solltarnesha'pa' o'ch eñoch o' ḗchap allempoch ahuanmuet quellaratset. Tarraña ñerra'm solltarpa' ama cohuen a'poche'tano po'cornetpa' añña solltarnesha'pa' amach eñocheto ñato' añecopte' a'toreñet attoch ahuanmuet quellaratset. ⁹ Attecma pena ñaña yocop ñerra'm esempo yeserrpare'ten po'poñ ñoñtso ñeñt ama allo eñeno acheñenesha', ñetpa' amach errotentot ḗchapaneto pueyoḗchreto ñeñt atet yotenanet. Atetpa' ḗchach yottena atette'ña ama eñalle acheñenesha' ñeñt ye'mñotene'. ¹⁰ Po'ñoḗhpa' eñalleñcha' shonte' po'poñe'ttsocma ñoñets ñeñt atet yeñosyen añ patsro. Ñaña po'poñe'ttsocmay acheñey ñeñtey eñotyene' ñeñt e'ñe yeñoñ allo yeñosyen. ¹¹ Tarraña ñerra'm po'psheñeñpa' o'ch serrpare'tatey e'ñe ña po'ñoño ñeñt ama allo yeñeno yapa', ñeñtpa' amach yeñoche errotente' oteneý ña po'ñoño. Yapa' attach ye'mueñ ñerra'mrrate' atta otatsen. Ñaña attecmay yaña ñerra'm yapa' o'ch yeserrpare'tach ñeñt ama eñetso yeñoñopa' amach eñoche errotente' yoteñ yeñoño. Ñapa'ḗho'ña attach e'mueneý ñerra'mrrate' atta yotatsen. ¹² Napa'

* **14:7** Po'ñoḗh añpa' oten arpa.

tarro'mar atet notenes tarro'mar sapa' chocma seye'chyena atto Parets Puecamquëñpa' o'ch patyesas ñeñt atet semna'yen sa. Tarraña napa' añcha'ña o'ch notas, añña pocte' o'ch seye'chena attoch señot e'ñe cohuen alloch huomenc sepoñ pueyo'cher allohuen ñeñt ame'ñetsa.

¹³ Ñeñto'mar te'pa' o'ch notas: Ñerra'm esesha' eñosets po'poñ ñoñtsopa' añ pocte' ma'yochanepa' Yompor attoch eñotach o'ch a'mtan ñoñets e'ñe eñoto'chen añ ñeñtara ñoñtso. ¹⁴ Tarro'mar ñerra'm esempo yema'yochena po'poñ ñoñtsopa' ama't e'ñe Parets Puecamquëñ yema'yochatatste'pa' tarraña allempo po'ño'chpa' amach añeye' yoc'tape'cheno attoch yeyenpue' yamo'ts. ¹⁵ Ñehua, ñeñto'marña te'pa' o'ch notas ñeñtcha' atet ye'pa'yesa e'ñe cohuen. Po'ño'chpa' e'ñe pocte' o'ch ma'yochatey Parets Puecamquëñ po'poñ ñoñtso, tarraña añ e'ñe pocte' ñaña o'ch yema'yochena e'ñe eñoto'chen. Ñaña attecma e'ñe pocte' Parets Puecamquëño'pa' o'ch yemorreacha Yomporecop po'poñ ñoñtso, tarraña añ pocte' ñaña o'ch yemorreachena allo e'ñe yeñen. ¹⁶ Tarro'mar ñerra'm po'poñ ñoñtsa ya'ye'cho'chtateññañ Yompor atet eñoratey Puecamquëñ, tarraña ñerra'm allo'tsa'yen po'poñe'chno acheñenesha' ñeñt e'ñe erre'te' e'mñotetspa' amach erro'tenot pocte' entapretyeto atto ya'ye'cho'chtateññañ Yompor, tarro'mar ama e'muennayeto yeñoñ. ¹⁷ Ñaña ama't e'ñe cohuen yeparasyoso'teñeñ Yomporpa' tarraña ñerra'm po'poñ ñoñtsa yema'yochena, ñeñtpa' ama añecpayaye alloch huomenc ye'poñ po'psheñeñ pueyo'cher, tarro'mar ama eñoteñeto erro'tente'

yoten. ¹⁸ Napa' atarr neparasyoso'teñ Yompor, tarro'mar ama't napa'cho' neñoteñ eñosets po'poñ ñoñtso. Ñato' ñeñtpa' ello metanennas allohuenes atto señosyen po'poñ ñoñtso. ¹⁹ Tarraña allempo yapçhena allohueney ñeñfey ame'ñetsapa' napa' añña pocte' nenten o'ch neserrpare't ama't e'ñe coñe'ta ñoñets ñeñt eñotoçhen attoch e'ñe yeñotue. Añña ama tama cohuenaye' nenteno ama'tcha' neserrpare'ten shonte' ñoñets, tarraña ñerra'm po'poñ ñoñtsa neñenpa' ñeñtpa' amach çhoye' neyenpueñe namo'ts.

²⁰ Ñeñto'marña masheñeshacha' ñaña noçhaneshacha' amach soçtape'chatsto atet coçtape'chen cheshanasha' ñeñt ama eñotenaye ñeñt atet cohuentetsa. Ñehua, po'ñoçh ñerra'm esempo yoçtape'chyen sosya'tsañ allempoña pocte' o'ch yoçtape'chen ñeñt atet coçtape'chen cheshatoll, tarro'mar cheshatollpa' ama tama coçtape'cheneta' sosya'tsañ. Tarraña allempo yoçtape'chen ñeñt cohuentetsa Yomporecoppa' allempoña po'ñoçhpa' o'ch yoçtape'chen atet coçtape'chen po'nanasha' ñeñt atarr es eñotets. ²¹ Añpa' ñeñt Yompor po'ñoñ ñeñt atet anaret ahuatoteñ allempo Yomporpa' atet otane't israelena'tarnesha'. Ñeñtpa' atet otanete't: "O'ch noñmatas po'poñ acheñ ñeñtcha' seserrpare'tatene' e'ñe ñet po'ñoñeto tarraña ama'tcha' atet neponaspa' amach esesha' name'ñerraye tarro'mar amach eseshaye' eñotaye ñeñt atet aserrpare'tatarettenet." Ñeñtpa' Yompor atet otahuete't ahuat. ²² Ñeñto'marña te'pa' atet notenes ama't yeserrpare'tatset po'poñ ñoñtsopa'

ñeñt̃pa' ama añecpayaye attoch yame'ñacha
 ñeñt̃ ama ame'ñetso tarro'mar añ ñoñets ñeñt̃
 ahuatoteñ anaret̃ ñeñt̃ña yeñotatene'ña ama'tcha'
 yeserrpare'tatatset po'poñ ñoñtso amach esesha'
 yame'ñerrayo. Ñeñt̃cha'ña yeñotate'ña erra'tsente'
 po'ñoçh ñeñt̃ ama ame'ñetso. Tarraña ñerra'm
 esempo ya'poteññañ Yompor po'ñoñ e'ñe ya
 yeñoño ñeñt̃ atarr eñotoçhen, añña ñeñt̃ ame'ñetsa
 ñet̃ña' e'ñech cohuen e'mñoteñet allochña
 huomenc yepenamet pueyoçhret Yomporcop.
 Ñeñt̃cha'ña yeñotate'ña ñetpa' po'ñoçh ame'ñenet
 tarro'mar ñeñt̃ po'ñoçh ama ame'ñetso, ñetpa'
 amach mueneñeto o'ch e'mñotet ama't ñeñt̃
 atarr eñotoçhen ñoñets. ²³ Ñaña o'ch notas,
 ñerra'm esempo sapçhena allohuenes ñeñtes
 ame'ñetsa, ñerra'm allohuenespa' atta señosyen
 po'poñe'ttsoçma ñoñtsopa' ñerra'mña machaya
 huapa ñaña ñeñt̃ ama ame'ñetso amapa'
 ñeñt̃ errte' e'mñotetspa' ñetpa' ama'tte'ña çha
 otaseto çho'te' semospuena. ²⁴ Tarraña ñerra'm
 esempoña sa'poten allohuenes Yompor po'ñoñ
 e'ñe eñotoçhen ñerra'm allempoña huapa ñeñt̃
 ama ame'ñetso amapa' ñeñt̃ errte' e'mñotetspa'
 ñeñt̃ña atet seserrpare'ten Yompor po'ñoñpa'
 ñato' allohuenetpa' o'ch çhapanet pueyoçhro,
 o'ch eñotet ñañeñeta ñeñt̃ atet cotape'chyenet
 ñetpa' ñeñt̃pa' ama pocteyaye Yomporcop.
²⁵ Allempoñapa' ñato' o'ch yore'tanet po'chñaret
 ñeñt̃ cotape'chatyenahuet pueyoçhro e'ñe
 a'nahua ñato' puellquëñoçetpa' o'ch concorpuet
 ñato' o'ch aguëret ñamet Yompor. Tarro'mar
 ñato' allempopa' o'ch ot: "Po'ñoçhepa't Yompor

se'ñoratyene'."

Parets pa'paclopa' ama aserrpare'tpahuo e'ñe parrocoma

26 Ñehua, masheñneshacha' ñaña nochaneshacha' ñeñtcha' atet sepa cohuen ñeñtpa' atet: Sapa' allempo sapchenapa' ñato' puesheña'ttsospa' o'ch semorrechena, ñato' po'psheñeñpa' o'ch yechatenet, ñato' po'psheñeñpa' o'ch a'potan ñeñt atet eñotateñ Yompor, ñato' po'psheñeñpa' o'ch eños po'poñ ñoñtso, ñato' po'psheñeñpa' o'chcho' a'mtan añ ñoñets. Tarraña ñeñtpa' añecopcha' atet sepa attoch huomenc sepoñ po'psheñeñ pueyoçher. 27 Tarraña ñerra'm eseshas eñosets po'poñ ñoñtsopa' ama pocteyaye o'ch seños e'ñe allohuenes, ñato' e'ñech epsheña eñosets amapa' ma'psheña allotpa' ñeñtach. Ñaña añ pocte' ñeñtcha' eñosetspa' ñaptēpa'tetscha' eñoset. Tarraña añ pocte' ñaña eñallcha' ñeñtcha' eñotatenahuet ñoñets ñeñt atet eñenet. 28 Tarraña ñerra'm ama eñalle ñeñtcha' eñotatahuet ñoñetspa' amach eñosatsteto e'ñe alla allempo sapçhena allohuenes ñeñtes ame'ñetsa. Allempopa' eñorana'chetepa' Yompor e'ñe ñaptēto e'ñe pueyoçhreto. 29 Ñaña añ pocte' e'ñech epsheña, amapa' ma'psheña ñeñtcha' a'pote' Yompor po'ñoñ. Po'poñechno acheñenesha'pa' añ pocte' çhoch e'mñochet, ñaña çhoch cotape'chet po'ñoçhte' atet oteneý Yompor. 30 Ñaña ñerra'm esempo po'psheñeñ mueneñ o'ch a'potan ñeñt eñotateñ ñaña Yompor Puecamquēñpa' añ pocte' allempopa' amach serrpare'tatsto ñeñt

ñanom serrpare'tets. ³¹ Attochña o'ch sa'potuon allohuenes Yompor po'ñoñ e'ñe saptepa'tets, ñaña attoch allohuenespa' o'ch e'ñe señoçh, ñaña attoch allo'na coshatnenes Yompor po'ñoñ. ³² Tarro'mar ñeñtey a'potene' Yompor po'ñoñpa' chocmach eñall attoch yeunata yañeña ñanom attoch chocma yemnatannena. ³³ Yomporpa' ama mueno o'ch atta yano'tatse'ten allohueney, añña muenen o'ch yesen e'ñe cohuen.

Ñaña atet pena allemeñ anetso ñeñt apcha'yetsa ñeñt pueyochresha' pen Parets. Ñaña allempo sapçhena allohuenes ñeñtes ame'ñetsapa' ³⁴ coyaneshachnopa' amach serrpare'tatsteto, tarro'mar ñeñtpa' ama pocteyaye. Añña pocte' choch ame'nyet ñeñt añcha'tarettetsa, ñeñtpa' atet oteney ñoñets ñeñt atet anaret ahuatoteñ. ³⁵ Ñehua, ñerra'm mueñenet o'ch es eñotetpa' a'p'to'chetepa' puerrollaret allempo cherret pa'paclo, tarro'mar ama pocteyaye coyanesha'pa' o'ch serrpare't allempo yapçhena ñeñtey ame'ñetsa.

³⁶ Ñehua, ñerra'm ama pocteye' senteñe ñeñt atet o' notuaspa' ñehua, o'ch notas atet: Yompor po'ñoñpa' ama e'ñe sa soçtapñoñtey' hueno, ñaña ama e'ñe saptecpa hueno. ³⁷ Ñaña ñerra'm esesha' otats, "napa'cho'ña na'poteññañ Yompor po'ñoñ", ñehua, eñotanepa' ñeñt atet noten necartotpa' ñeñtpa' po'ñoçh atet oteney Yepartseshar ñeñtcha' atet yeça. Ñaña ñerra'm esesha' otats, "napa'cho'ña chorrenna Parets Puecamquëñ", ñehua, ñapa'cho'ña eñotanepa' ñeñt atet noten necartot ñeñtpa' po'ñoçh atet oteney Yompor

ñeñtcha' atet yeḡa. ³⁸ Tarraña ñerra'm esesha' ama name'ñayo ñeñt atet o' notuaspa' ñehua, ñapa' amach se'mñotatsche.

³⁹ Ñeñto'marña te' masheñneshacha' ñaña nochaneshacha' o'ch noterrser: Añ pocte' o'ch sema'yoçhrena a'pote' Yompör po'ñoñ e'ñe eñotoçhen ñoñtso, tarraña pocte' o'ch semnatamet eñosetepa' po'poñ ñoñtso. ⁴⁰ Tarraña ama't erra'tsencha' seḡa'yespa' e'ñech cohuen sesen ñeñt poctetsa, ñaña çhocmach semnatanna'ta o'ch es seḡa'yes e'ñe sapḡepa'tets.

15

Allempo tanterra Cristopa' ahuo't orrterrana shonte' acheñeneshá'

¹ Te'pa' o'ch masheñneshacha' ñaña nochaneshacha' notas po'poñ. Napa' nemneñ ellopa' o'ch alla neyerpaterrser e'ñe errotente'ña ñeñt e'ñe atet pena cohuen ñoñets ñeñt neserrpare'tatuanmas, ama't ahuatoteñ. Ñeñtpa' ñeñtara cohuen ñoñets ñeñt o' same'ñerra, ñaña ñeñtara ñoñets ñeñt allo o' huomenc seperr seyoçher. ² Ñaña ñeñtara ñoñets allo o' sa'qeshḡatare'tterra ñerra'm amach sequeçhpüere, tarraña ñato' po'ñoçhpa' ama çhoje' same'ñeno.

³ Ñaña ñeñt neserrpare'tatas ama't ahuatoteñpa' ñeñtara coḡaḡñats ñeñt atet eñotatenet naña, ñeñt nanac sherbets, ñaña ñeñtara ñoñets ñeñt atet anuaret Yompör po'ñoño ama't ahuatoteñ. Ñeñtpa' atet o' neserrpare'tatuas: Cristopa' rroma yo'chñarecop,

4 allotpa' apamparetta, tarraña poma'pamtañopa' alla tanterra. Ñeñtpa' attecma oten ñaña ñeñt atet anuaret ahuatoteñ Yompor po'ñoño.
 5 Allempo tanterrapa' ñanempa' orrterrana Pedro, allotpa' orrterrana allohuen pueyochresha'.
 6 Allostpa' orrterrana ñaña shonte' acheñenesha' ñeñt ame'ñetsa. Ñato' metanenante' quinientos acheñenesha' ñeñt enterre' allempo e'ñe parrocmuet. Ñeñt enterre' allempopa' ama't teme'ttsen shontet corra'yenet. Tarraña puesheña'tetspa' o' colla'huenet. 7 Allostña' orrterrana ñaña Jacobo, allotpa' orrterrana ñaña allohuen po'poñechno ñeñt allsensaretnesha'.

8 E'ñe chenta'ñapa' orrtona naña, ama't napa' ama esoyayno. Atta nentena ñerra'mrrate' sapeñtsoma'tota ne'ñallettera Yomporecop.
 9 Po'poñechno allsensaretnesha'pa' ñetpa' nanac sherbenet, tarraña napa' ama't allsensareteneñpa' ama tama nesherbena. Ñaña napa' pocte' nenteñ amach otatsetneto allsensareten, tarro'mar napa' nanac na'muerochtache't ñeñt ame'ñenaya Yompor. 10 Tarraña ama't atet nepe'tpa' Yomporpa' atarr morrentna. E'ñe puemuereño'tpa' attoña a'pnaserren ñeñt nanac sherbets ñocop. Tarraña ama orrena morrentno Yompor, tarro'mar te'pa' nanac netorrena Yomporecop. Po'potantañ allsensaretnesha'pa' ama't torra'yenet Yomporecoppa' tarraña napa' ello nanac netorrena atet torrenet ñet. Ñehua, ama't noteneñ napa' netorrena Yomporecop, po'ñoçhpa' ama naye' torretso, añña Yompor puemuereño'tpa' ñeñtña torretsa na nechtsot.

11 Ñehua, amach yoto ñeñt̃ey nanac sherbets, ñato' na amapa' po'poñechno allsensaretnesha'. Añcha'ña yot ñerra'm ya po'ñoçh yeserrpare'teñoť o' same'ña'huerrapa' ñeñt̃ña nanac sherbets.

Atto esempohuañenpa' yetantuerrach rromot

12 Ñehua, ñerra'm po'ñoçh o' same'ñerra ñeñt̃ atet yeserrpare'tatenes atto Cristopa' o' tanterra allempo rroma, eso'mare'tña soten ñerra'm yerromapa' amach errotenoť yetanterro. Po'ñoçh ñeñt̃pa' atet oten puesheña'tets ñeñt̃ sesho'tsen. 13 Ñehua, ñerra'm po'ñoçh ama eñalle attoch yetanterra yapa', Cristopa'cho'ña amate' tanterrañe ama't teme'ttsen. 14 Ñerra'm po'ñoçh Cristopa' teme'ttsen rromueneñpa' ñeñt̃ atet yeserrpare'tatenes te'pa' amate' es sherbenñe. Ñaña ñerra'm po'ñoçh ama tanterrañe Cristopa' te'pa' e'ñete' orrena yeyemteñañ. 15 Ñaña ñerra'm po'ñoçh ama tanterrañe Cristopa' yapa' attate' yeshquënsoñ atto' pena po'ñoçh Yompor, tarro'mar yapa' o' yeserrpare'tuoñ Yompor atto ñapa' o' tantaterran Puechemer Cristo. Tarraña ñerra'm po'ñoçh ama eñallñe attoch yetanterra rromotpa' ñeñt̃ña atet o' yeserrpare'tatuas atto Yomporpa' o' tantaterran Puechemer Cristo, ñeñt̃pa' amate' po'ñoçhoyayñe. 16 Po'ñoçhpa' ñerra'm amach yetanterro yapa', Cristopa'cho'ña teme'ttsente' ama tanterrañe. 17 Ñaña ñerra'm po'ñoçh teme'ttsen amach tanterrañe Cristopa' e'ñete' orrena seyemteñañ, ñaña so'chñarpa' amate' aḗretnareteñe teme'ttsen. 18 Ñaña allohuen

ñeñt o' colla'huena ñeñt ame'ña'nmaya Cristopa' ñetpa' o'te' e'ñe poctacma chenca'huerretañ.

19 Ñaña ñerra'm añecpa yeyemteñañ Cristo allempo huom'chenya', ñaña ñerra'm po'ñoçh amach yetanterro, ñerra'm atteña' nanacte' llequëntso'tsenyeñ. Ñeñt llequëñetspa' ellote' metanenaneñ ñeñt atet yellcatyene' aña patsro.

20 Tarraña ñeñtpa' ama atteyaye, tarro'mar po'ñoçh Cristopa' o' tanterra ñanom. Atto tanterrapa' amach alla rromuerre'te allochña'pa' esempohuañen allohueney ñeñtey ame'ña'nmaya Cristopa' yapa'cho'ña attecnoch yetanterra.

21 Atet pa ñaña ahuañ Adán e'ñe ña po'chña'roñ o' anare'tta attoch yerroma, ama't e'ñe puesheñarroña. Te'pa'cho'ña e'ñe puesheñarroña'pa' o' orrterra attoch yetanterra ama't esempoch yerroma.

22 Tarro'mar e'ñe po'chña'roñ Adán ñeñtey pamo'tsna'tareypa' yocoppa'cho'ña o' anare'tta attoch yerroma yaña allohueney. Tarraña te'pa' e'ñe yeparrocmateñoñ Cristopa' elloch alla yocrra'huerra allohueney.

23 Tarraña ñeñtpa' atetcha' perra: Cristo ñanom o' tanterra allochña'pa' ñerra'm esempoch huerra, yapa'cho'ña ñeñtey ame'ñenayapa' attecnoch yocrra'huerra allohueney.

24-28 Allempoña Cristopa' o'ch puerratanpesuan po'huamenc allohuen ñeñt añcha'tare'tetyetsa, ama't ñaña ñeñt añcha'noçhetyetsa, ñaña ñeñt ahuamencatetyetsa. Tarro'mar añ poctetsa Cristopa' ñach añcha'tare'tterrtsa e'ñe ñapuë't esempohuañencha' yoranpesuan po'huamenc allohuen ñeñt e'moñe'tene'. Ñaña esempohuañen

e'ñe chenta'pa' o'ch a'huañañperrey rromueñets ñeññ o'patatarey te' allohueny. Tarro'mar Cristopa' o' aphue Pompor po'huamenc attoch pomnaren penan allohuen esocmañen. Ñehua, ama't oteneñ Yompor po'ñoñ Cristopa' pomnaren penano' allohuen esocmañenpa' tarraña yeñoteñ amach pomnaren pano Pompor, tarro'mar Pomporpa' ña apuene' po'huamenc. Esemphuañencha'ña pomnaren pohuan allohuen esocmañen allempoña Cristopa' o'ch aphuerran Pompor ñeññ nanac Parets atto añcha'tare'ttena. Allempoña Pomporpa' o'ch alla pomnaren perran Cristo ñeññara Pompor ñeññ o' ahuaamencat o' pohue. Allempoña Pomporpa' ñach añcha'tare'tterrtsa, ñaña allempopa' ñach pomnaren perre' allohuen esocmañen. Allempopa' o'ch mellapoterra.

29 Te'pa' o'ch alla noterrserr po'poñ. Ñerra'm po'ñoçh ama eñalle attoch yetanterra esempohuañenpa' eso'mare'tña puesheña'tets acheñpa' apatare'ttenaña añecop ñeññ o' rroma. Po'ñoçh ñerra'm amach erro'teno't tanterro ñeññ o' rromapa' eso'mare'tña apatare'ttenetña ñeññecop.

30 Ñaña ñerra'm po'ñoçh amach erro'teno't yetanterropa' eso'mare'tña pocte' nenteñ e'ñe name'ñeño'tpa' ama't chocma nemueroçhtena ñocoppa' e'ñe pocte' nenteñ. 31 Napa' atet noten tarro'mar pate'tets yetpa' e'ñe na'llpuepñoña ama muetsayenneto. Ñehua, neñoteñ ñeññpa' attecmach pa'net. Tarraña masheññeshacha' ñaña noçhaneshacha' errponcha' nemueroçhtapa' allponcha' nocshapretensa saña, tarro'mar

e'ñe yeparrocmateñoť epay Yepartseshar Jesucristo. ³² Ñaña arr Efesopa' e'ñe na'llpuepñoťa a'qeshp̄atnet atet ñerra'mrrate' čho norrotena epan ma'yarr. Tarraña ñerra'm amach errotenoť yetanterropa' ñeñña atto na'llpuepñoťa a'qeshp̄atyennetpa' amach es sherba'no, țarro'mar ñeñť patso'marecpapa' ama sherbeno. Po'ñočpa' ñerra'm amach eñallñe attoch yetanterraña' e'ñe pocte' o'ch yoteneñ: "Te'pa' acsha'yepahuepa'ch, ñaña o'ch yotanna'ta arrallme'chapretyespahuepa'ch, ñaña o'ch yotanna'ta orrare'tyespahuepa'ch tayepa'tña'pa' huom̄chay. Tsapaťonetña o'ch yerromapa' amach allo'na atet ye'pa'nenno."

³³ Tarraña amach sota'p̄sa'tatso atet, țarro'mar yeñoteñ "ñerra'm esempo yeyemteña ñeñť atta coťape'chatse'tyets ñeñť ama cohuenayaye Yomporecop yapa'čho'ña čhach shequényet țarro'mar tsapaťonetpa' ñato' o'ch alla atet yeperra yam̄a atet p̄a'yenet ñet, ama't te' yapa' e'ñe cohuen yoctape'chen Yomporecop."

³⁴ Añña pocte' o'ch soctape'cherr ello, ñaña o'ch sequečpuerr ñeñť atet se'pa'yese't ñeñť ama pocteyaye Yomporecop. Te'pa' sepenquēpa' țarro'mar ñato' po'ñoč ama señoteñe Yompor allohuenes.

Atetcha' yepo'poñet allempoch yetanterra rromot

³⁵ Te'pa' o'ch notas po'poñ. Ñehua, ñato' puešeñarrofespa' atet sotenen: "Amate' errotenoť yetanterraña rromot. Ñerra'm po'ñoč atanterrapo' rromot, yechetsña allempopa'

¿errořena'tcha'ña orrterra?" 36 Sapa' are'tña es seņoteno. Ñehua, ñato' o'ch netma'ntacha atet: Yeñoteñ ñerra'm es yenare't pue'llomerpa' amach ahuen chopo. Choch ñanom puetsa' pa'tall esheccha'ña chop. 37 Ñaña ama añeye' yenare'teno narmets ora ñeñ e'ñe atet chopuets. Atet ñerra'm chop* yenare'tpa' pue'llomřach yenare'teññañ. 38 Ñaña ñeñtpa' Yomporcha' a'chpate', țarraña ñeñtcha'ña chopatspa' o'ch po'poņet ñeñ atet orrtena ahuaña pue'llomer. Ñeñtpa'cho' Yompor a'po'poņetatene' țarro'mar atet muenen ña. Ñaña ñerra'm po'poņe'ttsocma es yenare't pue'llomerpa' e'ñech po'poņe'ttsocma chopyes ñaña narmets ñeñ e'ñe atet anareť. 39 Añpa'cho' chetsotspa' e'ñe po'poņe'ttsocma chetsots, ama e'ñe attecmayaye. Atet ñerra'm ya acheņeypa' po'poņcho' yechets yechen. Ñaña es berrochnopa' po'poņcho' po'chets pen. Ñaña otechnopa'cho' po'poņ po'chets pen ñaña. Cacachnopa'cho'ña po'poņcho' po'chets pen ñaña. 40 Ñaña ñeñ allpon ento'marnesha' ama e'ñe attecmayayeto ñerra'm patso'marnesha'. Tarraña ñeñ ento'tsa'yenpa' ellonetcho' cochnesha'tyenet țarro'mar atet anareťet. Ñeñ patso'tsa'yenpa'cho'ña ellonetcho' cohuenetyenet ñamet țarro'mar ñetpa'cho'ña atet anareťet. 41 Ñaña atet cohuentena atsne'pa' ñeñtpa' po'poņ poptena țarro'mar atet anareť ñaña. Arrorřpa'cho'ña po'poņoneťcho' cohuentena țarro'mar atet anareť. Rantochnopa'cho'ña

* 15:37 Po'ñočh añpa' oten trigo.

po'poñoneřcho' cohuenetyenet. Ñaña pate'tets rantopa' po'poñe'ttsocma cohuenetyenet ñamet řarro'mar atet anareřet. ⁴² Attecmach yeperra yaña ñerra'm esempohuañencha' yetanterra. Ñeñř atet orrtena te' yechetspa' allempoch yetanterrapa' amach atteraye' yorrterro. Te'pa' arromñařayapa' řhocmach yerroma allořpa' o'chřo' pampa'yet allcha' puetsohuerr yechets. Tarraña esempoch yetanterrapa' amach alla ya'rromñařterre'te. ⁴³ Ñaña te' yechetspa' atarr pencna'ntateney řarro'mar řhocmach yatsna'ten. Ñerra'm yatsna'tpa' o'chřo' yerroma, allořña'pa' o'chřo' pampa'yet. Tarraña ñerra'm esempoch yetanterrapa' allempo yechetspa' amach alla pencna'ntaterrye'te. Allempopa' e'ñech cohuen yorreyena. Ñaña te'pa' ama ahuamencateye ñeñřo'marña řhocma yerromuen, allořña'pa' o'chřo' pampa'yet. Tarraña ñerra'm esempoch yetanterrapa' allempopa' nanaccha' ahuamencatey. ⁴⁴ Atet yeyeřquëna te' arr patso'marpa' ñeñřpa' řhocmach yerroma, allořña'pa' o'chřo' pampa'yet. Tarraña ñerra'm esempoch yetanterrapa' allempopa' camuecñetsotach yorrterra. Po'ñoçh yeñoteñ atet yorrtena te' yechtsořpa' yeñoteñ ñaña yecamquëñotpa'çho'ña yorrterrach esempohuañen.

⁴⁵ Ñeñřo'marña ama't Yompor po'ñoño atet anuareř ahuatoteñ, ñeñřpa' atet oten: "Allempo Adánpa' yeçcach Yompor allempoñapa' ahuo't ař po'rřerrña attoch corra e'ñe po'çhtsoř. Ñeñřo'mar Adánpa' ñeñř ñanom acheñetats."

Tarraña chenta'ñapa' acheñetos ñaña Cristo attoch ñach yapuerre' ello o'ch alla yocrra'huerra yecamquëñoť. ⁴⁶ Tarro'mar Yomporpa' atet na'y. Ñanompa' o'ch yocrra e'ñe yechtsoť, esempohuañenñapa' o'ch alla yocrra'huerra ñaña yecamquëñoť. ⁴⁷ Tarro'mar ñeñť ñanom acheñ ñeñťara Adánpa' patsa ayečcataret, ñeñťo'marña ñapa' atta patso'marneshat. Tarraña puepañ ñeñť acheñetosets ñeñťara Yepartseshar Jesucristo ñeñťpa' entoť huapa. ⁴⁸ Ñaña ñeñťey arromñateneshaypa' yapa'cho'ña attaya ñerra'mrrate' Adán ñeñť ayečcataret pats. Tarraña ñeñťey ame'ñenaya Cristo ñeñť huaptsa entoťpa' yapa'cho'ña yocrra'huerrach yecamquëñoť ento atet ñerra'mrrate' Cristo ñeñť huaptsa entoť. ⁴⁹ Atteña te'pa' atta yeyečquëna yechtsoť atet ñerra'mrrate' Adán ñeñť ñanom ayečcataret pats tarraña esempohuañenpa' yeyečquërrach ello atet ñerra'mrrate' Cristo ñeñť huaptsa entoť.

⁵⁰ Ñeñťo'marña masheñneshacha' ñaña nočhaneshacha' notenes: E'ñe yechtsoťpa' amach es yo'pato all añcha'tarettena Yompor. Tarro'mar allempo arromñatayapa' amate' errotenoť es yo'patoña ñeñť ama ahuañaño.

⁵¹ Ñehua, o'ch neñotatas ñeñťcha' atet perra esempo, ñeñť ñapťa eñoteñ te' Yompor. Po'ñočhpa' amach e'ñe allohueney yerromhuo. Tarro'mar ñeñťey orameñ corretsa allempoch huerra Cristopa' amach yerromo. Allempopa' attach yepo'poñet ⁵² e'ñech machayota e'ñe allempocma esempoch e'morrterra Yompor po'pocťor e'ñe

allohuanen. Ñehua, ñeñt'pa' atetcha' perra allempo. Ñanompa' o'ch e'morrterra Yompor po'pocor. Allempoñapa' o'ch tanrra'tuena ñeñt' colla'huatsa ahua'otet'ñ. Allempochña tanterre'tpa' amach alla arromña'atterrete'te. Yaña ñeñtey orameñ corretsapa' yapa'cho'ña o'ch yepo'poñet e'ñe allempocma. ⁵³ Tarro'mar yechets ñeñt' aptsaña'pa' añ palltetsa o'ch puenasa ñeñt' ama aptsaña. Tarro'mar ñeñtey arromña'tey'pa' añ palltetsa o'ch yepnasa ñeñt' ama arromña'tey'aye. ⁵⁴ Ñerra'm esempo yechets ñeñt' aptsaña'pa' ñerra'm o'ch puenasa ñeñt' ama aptsaña, ñaña ñerra'm esempoch ñeñtey arromña'tey'pa' o'ch yepnasa ñeñt' ama arromña'tey'ayepa' e'ñe allempopa' o'ch e'ñe etsotua ñoñets ñeñt' atet anaret' ahua'otet'ñ, ñeñt'pa' atet oten: "Allempo o'ch huañerrña ñeñt' atto o'patenya rromueñets. ⁵⁵ Ñeñto'marña allempopa' amach yerromuerre'te, tarro'mar amach eñalleterre'teña ñeñt'cha' alla ya'tserrperrayerr ama't yerromño'ta."

⁵⁶ Tarro'mar te'pa' yo'chñarot' o'patenyaña rromueñets, tarraña allempopa' amach eñalle yo'chñar. Ñaña yatpare'teño't' ñoñets ñeñt' atet anare'tpa' ñeñt'ña yo'patataye'tña rromueñets allempo nanac yeyore't' yo'chñar. ⁵⁷ Ñeñto'marña te'pa' yeparasyoso'chepa'ch Yompor tarro'mar atto apuey Puechemer ñeñt'ara Yepartseshar Jesucristo ñeñt'cha' chocma ya'pocstatene' allohuen pa'namen ñeñt' yocop.

⁵⁸ Ñeñto'mar e'ñe nemorrenteño't'pa' o'ch

masheñneshacha' ñaña nochaneshacha'
 noterrser: Te'pa' huomenquëpa'ch sepa'
 seyocher, amach sequechpatstere. Ñaña
 chocmuepa'ch setorrena Yomporecop. Ñaña
 sapa' señoche'pa'ch ñeñt' atto yetorrena
 Yomporecoppa' ama orrena yetorreno.

16

Añ quellepa' ñeñt' apete't huocchañneshachno

¹ Te'pa' o'ch notas po'poñ. Añ allpon quelle
 ñeñt' chocma senen huocchañneshachnocop ñeñt'
 ame'ñetsa, ñeñtpa' attec'mach sepa. Tarro'mar
 ñeñt' ame'ñetsa Galaciopa' o' neñotatuanet ñeñt'cha'
 atet' pet, ñeñto'marña sapa'cho'ña atet'cha' sepa
 samña. ² Ñeñtpa' atet'cha' sepa: Pate'tets temencpa'
 añ pocte' chocmach sena'yes ellopa'tets errpon-
 cha' semna'yes o'ch sena'yes Yomporecop. Ñaña
 errponte'ña sechyen ñeñt'cha' sena'yes Yompore-
 cop, ñato' aton amapa' ñato' coñe't. Ñeñtpa'
 o'ch sañño'tue e'ñe ellocma attotach o'ch saton-
 tatyas. Allochñapa' ñerra'm esempoch nechap
 seshopa' amach pallteno e'ñe allempopa' o'ch
 taya sena'yes. ³ Ñaña ñerra'm esempoch nechap
 seshopa' o'ch nequellca' carta ñeñt'cha' nemña
 Jerusaléño. Ñaña o'ch nemñe acheñ ñeñt'cha'
 anmue' quelle, ama't erra'tsena acheñ ñeñt'cha'
 pocte' senten sa. ⁴ Ñaña ñerra'm pocte' senteñ o'ch
 ahuen namapa' e'ñe pocte' o'ch yahuanena e'ñe
 parro.

*Allempo sechena Pablo o'ch ahuo' po'poñ
 anetso'mar*

5 Ñaña ñerra'm esempoch ahuen arrot attoch nechap seshopa' napa' noctape'cheñ arrcha' noñem Macedonio'mar. 6-7 Añ atarr nemnen ñerra'm Yompor muenatspa' allate' na'llponmat sesho, ñato' allate' nechara'pena. Tarro'mar napa' ama nemno o'ch atta nepomuetnom sesho, añña napa' nemneñ ñerra'm Yompor muenatspa' allate' natomat. Ñaña ñato' e'ñe allotpa' o'te' sanemyesen errachcho' neshecha allempo. 8-9 Tarraña te'pa' amach erra neto. Allanach arr Efeso tarro'mar te'pa' eñall attoch o'ch neserrpare'tatyeshonte' Yompor po'ñoñ. Ñaña te'pa' neñoteñ ñato' o'ch ameñenna shonte' acheñ, tarraña chocma eñall ñaña shonte' ñeñtcha' nepatare'tene'. Tarraña o'ch chap Pentecostepopa' o'ch ahuerren arrot.

Ateñ otanet Timoteocop

10 Ñaña o'ch notas, ñerra'm esempoch chap masheñ Timoteopa' o'ch sagañ e'ñe cohuen, allochñapa' amach cha llecoso sesho. Tarro'mar ñapa'cho'ña nanac torrena Yomporecop atet ñerra'm na. 11 Ñaña ñerra'm esempoch chap seshopa' añ pocte' chocmach se'mñoch e'ñe cohuen. Ñaña e'ñech cohuen seyenpue' allochñapa' ñerra'm esempo puerrerra allotpa' e'ñech pocsheñsha' cherr nesho. Tarro'mar napa' chocma necueñ masheñ Timoteo epan po'poñechno masheñneshachno.

12 Ñaña masheñ Apolospa' nanac nemñare'teñ o'ch emo'tensa' epuet po'poñechno masheñneshapa' tarraña te'pa' ñapa' ama mueno. Tarraña esempopa' chomach chap sesho ñerra'm esempoch pocta'huoña.

Allempo so'terranet po'cartoť

13 E'ñe allohuanenpa' o'ch noterrser: Te'pa' e'ñech señoťa, tarro'mar čhocma eñall ñeñťcha' ya'psaterre' Yompor. Ñaña e'ñe same'ñeñoťpa' huomenquēpa'ch sepa' seyočer. Ñaña amach señcha'tatsto, čhochña seumencta Yomporecop. 14 Ñaña ora allpon ñeñť sepa'yenpa' e'ñepa'ch semorrentanna'teñoť es sepa'yen.

15 Te'pa' o'ch masheñeshacha' ñaña nočhaneshacha' notas po'poñ. Sapa' señoťeñ ñaña atto masheñ Estéfanaspá' ña ñanom ame'ñerřsa ahuat all Acayo. Ñaña ahuo't ame'ñerret epuet pamo'tsesha'. E'ñe allempoteñ ñetpa' ahuo't torra'yenet añecop attoch yenpuet allohuen ñeñť pueyochresha' o' perr te' Parets. 16 Ñeñoťmar te'pa' o'ch notas: E'ñe pocte' o'ch se'mñoč Estéfanas, ñaña ama't allohuen po'poñečno acheñ ñeñť čhocma torrapretetsa Yomporecop. 17 Napa' te'pa' atarr nocshena tarro'mar o' huapa arr nesho masheñ Estéfanas ñaña Fortunato ñaña Acaico. Tarro'mar sapa' ama't ama sehuapopa' ñetpa' o' huapuet. 18 Ñetpa' atarr coshatosnet neyočhrocmañen. Ñato' sapa'čo'ña o'te' coshataset. Cohuenepa'ch señch acheñ ñeñť atet petsa.

19 Ñaña allohuen ñeñť ame'ña'yetsa arr Asio'marpa' mueneñet o'ch huomńcha'taset ñamet añ necartoť. Masheñ Aquilapa'čo'ña mueneñ o'ch huomńcha'tas epuet puetapor Priscila. Ñaña allohuen masheñesha' ñaña nočhaneshachno ñeñť pame'ñeñoťet apčhetset Aquilapahuo mueneñet o'ch huomńcha'taset ñamet. Tarro'mar

e'ñe yeparrocmateñoĩ epay Yepartsesharpa' o' huomĩcha'taset añ necartoĩ. ²⁰ Ñaña allohuen masheñshachno ñaña nochaneshachno ñeñĩ arro'tsa'yenpa' mueneñet o'ch huomĩcha'taset ñamet. E'ñe semorrentanna'teñoĩpa' atetcha' sehuomĩcha'tanna'tena ñeñĩ atet poctetsa Partsocop.*

²¹ Añ coñe'tpa' o'ch nequellca' namã e'ñe na notot, attoch o'ch nehuomĩcha'tas namã.

²² Ñerra'm esesha' ama morrentenaye Yepartseshar Jesucristo ñeñĩña atet petsa a'coñchatare'tepa'ch. Te'pa' ñeñĩtach notas, huerrnayepa'te' ñeñĩ Yepartseshar yepen.

²³ Yepartsesharepa'chña Jesucristo sa'natenaya allohuenes. ²⁴ E'ñe name'ñeñoĩ Cristo Jesús atarr nemorrentensa. Te'pa' ñeñĩtach notas, ñeñĩpa' attetepa'chña Nompore. Allohua.

Pablo

* **16:20** Po'ñoçh oteneý, "E'ñe semorrentanna'teñoĩ çhocç setso'ttsa'pa'tannena ñerra'm esempo sehuomĩcha'tanna'tena ñeñĩ atet poctetsa Partsocop." Ñeñĩpa' atet yeçhete't ahuat.

**Yompor Po'ñoñ ñeññ attó Yepartseshar
Jesuscristo e'ñe etserra a'poctaterrnay
Yomprosho
New Testament in Yanasha' (PE:ame:Yanasha')**

copyright © 2008 Wycliffe Bible Translators, Inc.

Language: Yanasha'

Translation by: Wycliffe Bible Translators, Inc.

Yanasha'[ame], Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Yanasha'

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files dated 29 Jan 2022

fa985bb4-fad0-5968-9ee4-626b89cba24f